

جريدہ عدلیہ

۲۱ رجب ۱۳۲۹ صالی ۵ تموز ۱۳۲۷

نمبر ۳۹

ایکجی سنہ

قِسْمَتِ رِجَالِ

قوانین و نظامات

عدلیہ و مذاہب نظارتی نظامنامہ داخلی صورتیدر :

عدلیہ و مذاہب نظارتی دوائر و شعباتک تشکلاتی و مأموری ایلہ مستخدمینک وظائفی و معاملاتک انتظام جریانہ متعلق قیود و تدابیری محتویدر .

برنجی باب

تشکیلات و وظائف

برنجی فصل

نظارتک دوائر مرکزیہ سی

ماده ۱ : عدلیہ و مذاہب نظارتک ہیئت مرکزیہ سی دوائر آتیہ دن مرکبدر :

۱ — مستشارلق .

- ۲ - قلم مخصوص مدیریتی .
- ۳ - امور جزائیه مدیریتی .
- ۴ - امور حقوقیه مدیریتی .
- ۵ - سجل مدیریتی .
- ۶ - محاسبه مدیریتی .
- ۷ - مذاهب مدیریتی .
- ۸ - احصائیات ومدونات قانونیه مدیریتی .
- ۹ - اوراق مدیریتی .

بو دوائر اصلیه دن ماعدا مصالح مختلفه حقنده بر مرجع مذاکره واشتشاره اولق اوزره بوجه آتی انجمن قومیسونلر واردر :

- ۱ - انجمن اصلاحات عدلیه .
- ۲ - انجمن انتخاب .
- ۳ - انتخاب قومیسونی .
- ۴ - انجمن اداره .
- ۵ - قلم مخصوص انجمنی .
- ۶ - انجمن انضباط .

ایکینجی فصل

دوائر مختلفه نك وظائفی

ماده ۲ : مستشار ، معاملات عمومیه ده ناظره معاونت وغیوبنده وکالت ایدر . نظارتك مصالح روزمره سنه متعلق اوراقی تدقیق و بونلردن محتاج استیدان اولیان موادی کندی مسؤولیتی التده اجرا و محتاج استیدان اولانلری ناظردن استیدان ایدر .

ماده ۳ : قلم مخصوص مدیریتیك وظائفی بوجه آتیدر :
اولا : نظارتجه طوغرودن طوغروه امر وحواله اولنان خصوصیات تحریریه نك ، دوائر موجوده دن خاصه برینك داخل دائره وظیفه سی اولمایان ایشلرك وبالعموم مأمورین ومستخدمین عدلیه حقلرنده رسمی ، غیر رسمی واقع اوله جق شکایات اوزرینه اولامرده ولایات استیناف مدعی عمومیلکریله اجرایی لازم کان تحقیقاته عائد مخبره اوراقنك معاملات قیدیه واستحضاریه سی اجرا ودوسیه ونشیه لری تنظیم وحفظ ایتك ، ناظرله ملاقات طلبنه دائر مخبراتی و اوامر عمومیه نظارتك نشر واعلانی معاملاتنی ایفا ، نظارتجه تنسیب اولنه جق قومیسون وانجمنلرك امور تحریریه وقیدیه سی اداره ایتك ؛

ثانیاً : بالعموم مأمورینك تعینلرینه عائد مخبراتی ایفا ایلهمك ؛
ثالثاً : مأمورین و کتبه ومستخدمینك میعاد معینده دوام ایدوب ایتدکرینی مراقبه ایلهم هر آی مقام نظارته بر خلاصه تقدیم ایتك ؛

رابعاً : یکریمی آلتینجی ماده ده محرر « مراجعت قلمی » وظیفه سنك حسن صورت وسرعتله جریانه نظارت ایلهمك .

ماده ۴ : امور جزائیه مدیریتیك وظائفی ایکی قسمه آریلیر :

اولا : معاملات جزائیه نك قسم اداریسی حقنده کی مخبرات نظارتی اداره ، امور جزائیه متعلق اوله رق ممالك اجنبیه کوندریلان ویاخود اورادن وارد اولان اوراق حقنده اصول مرعیه توفیقاً معاملات لازمه اجرا ، قوانین ومؤسسات جزائیه حقنده تبعات متدیده بولنه رق دائماً فکر اصلاحاتی تعقیباً مقام نظارته مطالعه لری بیان ، قوانین ونظامات جزائیه لایحه لرینی وتعلیقاتنامه لری ومعاملات جزائیه دائر اوامر عمومیه نظارتی احضار ، مدعی عمومی ومعاونلرینك وظائف اداره لرینی وضابطه عدلیه مأمورلرینك احوال ومعاملاتی مراقبه ، مأمورین عدلیه نك وظیفه مأموریتلرینه عائد جرائدن طولانی حقلرنده یاییلان تحقیقات نتیجه سنه کوره تحت محاکمه آلنوب آلتیه جقلرینه دائر مطالعه بیان ، امور اداریه جزائیه متعلق شکایاتی تدقیق ، عفو حقنده کی مستدعیاتی وعمومیتله عفو و اعاده حقوق ممنوعیه متفرع معاملاتنی واصول محاکمات جزائیه قانوننك اوچوز قرق یدنجی ماده سی موجبجه امر تحریری اعطاسنه عائد اموری ایفا ، مأمورین حقنده واقع اوله جق شکایات اوزرینه جریان ایدن تحقیقات نتیجه سی بالتدقیق مقتضیاتی مقام نظارته بیان ، معاملات جزائیه عائد اوله رق مقام نظارتدن تودیع ایدیلهمك اموری رؤیت ، معلومات احصائیه واستطلاعات سائره یه مستنداً جرائمك تقلیل وقوعی حقنده اتخاذ تدابیر وسائلی استکمال ، مسائل جزائیه حقنده وقوع بولهجق استیدان واستفسارلر اوزرینه جوابلر اعطا ، اعاده مجرمین ماده سنه عائد معاملاتنی ایفا ایلهمك ؛

ثانیاً : حبسخانه لرتونوقیفخانه لرله اصلاحخانه لرله عائد تدابیر اصلاحیه یی تدقیق ، اشبو مؤسسات جزائیه حقنده جهت عدلیه نك حائز اولدینی حق مراقبه یی استعمال ، محکومین حقنده « سجل عدلی » دفاترینی تنظیم و اداره ، محبوسینك اصلاح حاللرینه دائر تدابیر وتشیقاتی اجرا ، اشبو ایکی طاقم وظائفك هر برینه متفرع اولوب معامله سی هنوز ا کمال اولنمایان اوراقك دوسیه ونشیه لرینی تصنیف وحفظ ایلهمك .

ماده ۵ : امور حقوقیه مدیریتیك وظائفی اوچ قسمه آریلیر :

اولا : مسائل حقوقیه وتجاریه نك قسم اداریسی حقنده کی مخبراتی ، امور حقوقیه وتجاریه حقنده ممالك اجنبیه کوندریلهمك ویا اورادن کله جك اوراقك معاملاتنی اجرا ، قوانین ونظامات حقوقیه وتجاریه یی

متبادياً تتبع ايدرك فكر اصلاحات تعقيباً مقام نظارته بيان مطالعات ، قوانين ونظامات حقوقيه ك لايجه لري
وتعليقاته لاله اوامر عموميه بي احضار ، مسائل حقوقيه وتجاريه حقننده كي استفسار واستيذانله
جوابل اعطا ، امور حقوقيه وتجاريه متفرع اوله رق مقام نظارتدن توديع ايديله جك مسائل
حقننده مطالعه نامهل تنظيم ، مصالح حقوقيه وتجاريه ك جهت اداريه سننه متعلق شكاياتي تدقيق
ايتك ؛

ثانياً : دعوى وكيللرينك امتحانلرينه ورخصت رسميه لرينه متعلق مخابرات ومعاملاتي ايضا ، بارو هيئتيه
نظارت بيننده كي مناسباتي اداره ، وكلاي دعاوى اوزرنده حق مراقبه بي استعمال وبو قانون مخصوصك
احكامي دائره سنده معاملات لازمه سني اجرا ، مظاهرت عدليه متفرع اموري ايضا ايتك ؛

ثالثاً : مقاولات محررلرينه متعلق مخابراتي اجرا وحقلرنده مراقبه ايضا وعلملرنده وقوع بوله جك شكاياتي
تدقيق و بو اوج قسم وظائفك كافه سنه عائد اولوب معامله سي هنوز اكال اولميان اوراقك قيود ، دفاتر ،
دوسيه ونشيه لري تنظيم وتصنيف وحفظ ايلكدرد .

ماده ٦ : سجل مديريتي ، حكاه و مقاولات محررلريه خدمه و مباشرلر داخل اولمق اوزره كافه
مأمورين عدليه ك وكلاي دعاوينك ، ترجمه حاللريني محتوي اوله رق شخص اوزرينه سجل دوسيه سي تنظيم ،
انجمن انتخاب ايله انتخاب قوميسيونك امور تحريه سي ايضا ، كرك انجمن وقوميسيونجه وكرك امور جزائيه
مديريتك مذكرلري وانجمن اداره مضبطلري اوزرينه نظارتجه اتخاذ اولنه جق بالجله مقررات ومعاملات
انضباطيه دائر اولان معلوماتي قيد وتصنيف وتسجيل ، ترقيم جدوللريني قانوننامه مخصوصه توفيقاً ترتيب ،
مأذونيه متعلق مخابراتي ومحكم ودوائر عدليه ك تشكيل ويا لغوينه عائد مقررات اوزرينه اقتضا ايدن معاملاتي
اجرا وبو وظائفك كافه سي ايچون مقتضى قيود و دفاتري اداره و دوسيه ونشيه لريني تصنيف وحفظ ايدر
وبالجله حكاه ورؤساي عدليه ك سنلريني ، تاريخ وطريق نشاتلريني و زمرلده ايفاي وظيفه ايلدكلريني ،
ترجمه حاللري خلاصه لريني و ممكن اولديني تقديرده فطوغرافيلريني حاوي اوله رق هرسته بر سالنامه عدلي
نشري ايچون لازم كلن ترتيبات واحضارنده بولنور .

ماده ٧ : محاسبه مديريتي ، نظارت بودجه سي تنظيم واحضار ، مخصصات عدليه ك صورت صرف
واستعمالتي مراقبه ، لدى الحاجه تخصيصات منضمه وفوق العاده طلب ، بولره عائد حساباتي تنظيم ومخابراتي
ايضا ، ديوان محاسبات ايله مناسباتي وبالعموم مأمورينك معاشات وخرج راهنه متعلق اموري اجرا وبووظافه
دائر اوراق ودفاتر حسابيه بي اداره ومسائل جاريه دوسيه ونشيه لريني تنظيم وتصنيف ايدر .

ماده ٨ : مذاهب مديريتي ، دولته طائفتش اولان مذاهب رؤساي طرفلرندن ويا امور مذهبيه
متعلق اوله رق افراد جانبندن مقام نظارته تقديم ايدلان تقارير وعرفحال وسائر ك بروات عاليه ونظامات
ومقررات مخصوصه سنه توفيقاً مقتضياتي اجرا ايتديرمك و مصالح مذهبيه حقننده نظارتدن كرك رؤسا وكرك

دوائر مركزيه وولاياتدن وقوع بوله جق اشعارات واستفسارات اوزرينه دوائر وولايته ورؤساي مذاهبه
نسبطري ايجاب ايدن تذاكر ومحررات سائري اوامر ونظامات ومقررات مذكوره ايله معلومات سائره
قيديه و اقتضائه كوره نظارتدن وقوع بوله جق امر وتعريفه تطبيقاً تنظيم ايتك وتبديل مذهب معاملاتي
آندن متولد نتايج واحوالك اصول ونظامي دائره سنده جرياني تأميناً نظارتجه لازم كلن تشبثات ومخابراتي
اداره ايتك ورؤسا واركان مذاهب انتخاباتك قواعد ونظامات مخصوصه سنه موافق صورتده اجراسنه دقتله
عندالاجاب اولبايده كي ملاحظاتي نظارته بيلديرمك ورؤساي مذاهب مياننده وياخود دوائر روحانيه اركاني
ويا رؤسا ومأمورين مذهبيه ايله منسوب اولدقلى جماعتك افرادي بينلرنده وقوعه كله بيله جك هر درلو
اختلافات ومنازعات ماهيتلرينه كوره حل وتسويه سي ضمنتده نظارته عائد تدابير ومعاملاتي اتخاذ ايتك وامور
مذهبيه تعلق وتمايندن طولاي كرك مقام نظارتدن وكرك شعبات رسميه سائره دن توديع ايديله جك كافه
مصالح واوراك تدقيقله ايجاباتي ايضا وياخود مطالعات مخصوصه سي تمهيدوانبا ايتك وخصوصات مشروحه دن
طولاي جريان ايدله جك بالجله مخابرات قيدلرينك قلمجه حسن تنظيم ودوسيه ونشيه لرينك ترتيبه دقت
ونظارتده بولمق وظائفه مكلفدر .

ماده ٩ : احصائيات ومدونات قانونيه مديريتي وظائفي بشه منقسمدر :
اولاً : امور عدليه ك اداره ومحاكات قسملريني وحبسخانه وتوقيفخانه ايله امورشابطيه عائد هر نوع
معلومات احصائيه بي جمع وتنظيم ، بو احصائياتك دلالت ايتديكي احكامي بالاستدلال مقتضياته كوره مطالعات
بيان ايتك ، معاملات احصائيه حقننده توديع اولنه جق مسائله دائر مطالعه نامهل تنظيم ايتك ؛
ثانياً : دولتك قوانين ونظاماتك تقويم وقايع ايله نشر واعلاني ودستوره درج وعلاوه سي خصوصلرينه
دائر قانون مخصوصنده مندرج وظائفي ايضا ايتك ؛

ثالثاً : حكمة تميزدن صادر اولان اعلاماته مخصوص اوله رق « مجموعه مقررات تميزيه » ناميله ماه بماه
بر مجموعه ك ترتيب وطبعنه نظارت ايتك ؛

رابعاً : جريدة عدليه ك جهت علميه سنه وتأمين حسن دوامنه نظارت ايتك ؛
خامساً : نظارت كتيخانه سي محافظه واداره ، احتياجات حاضريه كوره اسباب ترقياته تقيد واهتمام ،
دولت عليه ك ودول اجنيه ك قوانين ونظامات ومعاهدات قولكسيونلريني تشكيل وكرك كتيخانه يه وكرك
دوائر عدليه يه مقتضى كتابلري اشتر ايتك وبو وظائفدن متولد مخابراتي اجرا واوراق و دفاتري تنظيم
ودوسيه ونشيه لريني تصنيف ايتك .

ماده ١٠ : اوراق مديريتي ، نظارتك مخابرات وارده وصادره سنه متعلق كافه قيودي اجرا ، اوراق
صادره بي ارسال واوراق وارده بي توزيع ، معامله سي ختام بولان ايشلره عائد اوراقك دوسيه ونشيه لريني
تصنيف ومحافظه ولدى الحاجه اوراق محفوظيه وقوع بوله جق مراجعتله توسط ايدر .

مادہ ۱۱: ہر مدیرینک معینتہ بر وایجابنہ کورہ ایکی ویا اوچ بمیزدن ودرت صنفہ منقسم لزومی قدر مسود، میض، مقیددن و موظف و فخری ملازملدن مرکب بر قلم بولنور. الیوم محاکم نزدندہ موجود وزنه شعبہ لری محاسبہ مدیرینتہ مربوطدر.

اوچنچی فصل

انجمنلر و قومیسونلرک وظائفی

مادہ ۱۲: انجمن اصلاحات عدلیہ، ناظرک تحت ریاستندہ مستشار و محکمہ تمیز رؤساییلہ باش مدعی عمومی و محکمہ تمیز دوائری اعضاسندن برر ذاندن مرکب اوله رق نظارتک دعوت مخصوصه سیلہ لدی الحاجه اجتماع ایدر و معاملات عدلیہ نک هر هانکی قسمندہ تطبیق مناسب اوله جق اصلاحات و تعدیلاتک و کرک دوائر و مأمورین عانده سی طرفلرندن و کرک ارباب و قوف جانبندن واقع اوله جق تکلیفات اصلاحیه نک اساسی و بولنردن شایان قبول و اعتبار کوردیکی موادک اسباب و وسائل حصولی مذاکره ایله مشغول اولور.

مادہ ۱۳: انجمن انتخاب، انتخاباته عائد وظائفی قانون مخصوصه توفیقاً اجرا ایدر.

مادہ ۱۴: انتخاب قومیسونی، در سعادت بدایت محکمہ سی رئیس اولنک تحت ریاستندہ اولق اوزره بدایت محاکمی اعضاسندن دیگر درت ذاندن مرکب اولوب درجه اولی مأمورینک قانون مخصوصه توفیقاً انتخاباته عائد مسائل ایله اشتغال ایدر. لا اقل هفته ده بر کره طویلانی.

مادہ ۱۵: انجمن اداره، قلم مخصوص مدیرینک ریاستی آلتندہ سجل، محاسبه، مدونات و اوراق مدیرلرندن مرکب اوله رق هفته ده برویا ایکی دفعه انعقاد ایدر. وظائفی بروجہ آتیدر:

اولاً: دوائر و شعبات نظارتک انشاءات و تعمیراتنه و بونلر ایچون مقتضی اوراق و دفاتر و مفروشات کی لوازمک مبیاه سنه و مباشر و اوطه جیلرله خدمه ایچون لازم اولان البسه نک تدارکنه، دمیر باش اشیانک ضیاعندن وقایه سنه و دفترینک تنظیمنه و دوائر عدلیہ نک بنا و اشیا اعتباریلہ اپی بر حالده محافظه سنه و دائره نک تنویر و تسخیننه دقت و نظارت ایتمک؛

[بوقسم وظائفک ایفاسی ایچون دائره مدیرینی استخدام ایدر.]

ثانیاً: مصارفه دائر محاسبه مدیریتندن ویریله جک جداول و دفاتری تدقیق ایتمک؛

ثالثاً: خدمه سرمأموری معرفتیلہ خدمه نک و مباشرلرله اوطه جیلرک انتخاب و تعینلرینه، اداره لرینه، مأذونیتلرینه و معاملات سائرهنه نظارت و بونلر حقندہ کی قیود و دفاتر و اوراقی تنظیم و تحریر اینتدیرمک.

مادہ ۱۶: قلم مخصوص انجمنی، قلم مخصوص مدیرینک ریاستی آلتندہ اوراق مدیری ایله قلم مخصوص ممیز اولندن ترکب و هر کون علی الصباح اجتماع ایدر و بروجہ آتی وظائف ایله اشتغال ایلر:

اولاً: مقام نظارته عائد کافه اوراق مخبرینی کشاد ایدر. بو اوراقدن طوغریدن طوغری به قلم مخصوصدن

یازلسنه لزوم کوریله جک درجه ده حائر اهمیت اولانلرینی آیره رق مقام نظارتہ اعطا ایدر، متبایسنی دوائر عانده سنه حواله ایلر؛

ثانیاً: حوادث یومیہ کی کوزدن کچیره رک شایان دقت و نظارتک حصول اطلاعی مستلزم مواد و فقراتی تفریق ایله ناظره افاده و نظارتله مطبوعات آره سنده کی مناسباتی اداره ایلر.

مادہ ۱۷: انجمن انضباط، اوتوز برنجی ماده ده بیان اولدینی اوزره ایفای وظیفه ده قصورلری کوریله جک مأمورین حقندہ بشنچی باب موجبنه تطبیق ایجاب ایدر جک تدابیر انضباطیه کی تذکر ایدر.

ایکینچی باب

اقلام مرکزیه ده معاملاتک صورت جریاننه دائر احکام عمومیہ

مادہ ۱۸: اون التنجی ماده موجبنه قلم مخصوص انجمنندن تودیع اولنان اوراقک دوسیہ لری اوراق مدیریتنه عائد اولدینی دوائر ممیزلرینه کوندریلر و ممیزلر طرفندن مسودلره توزیع اولنهرق هر مسودک اسمی کرک اوراق و کرک دوسیہ و نشیبه اوزرینه اشارت ایدیلر.

مادہ ۱۹: ممیز طرفندن مسودلره توزیع اولنان اوراق ایله دوسیہ لر قلم مقیدلکنجه دفاتر مخصوصه سنه قید ایدلکدن صوکره هر کاغذ عائد اولدینی دوسیہ سنه بالادخال، بالترتیب امضا مقابله ده مسودلره تسلیم اولنور.

مادہ ۲۰: مسود کندیسنه تودیع اولنان دوسیہ نک مندرجاتی بالتدقیق ایشک درجه اهمیتنه کوره حقندہ یا اول امرده برخطرہ حاضرلار یا خود طوغریدن طوغری به بر جواب مسوده سی قلمه آلیر و خطرہ ویا مسوده کی دوسیہ ایله برلکده قلم ممیزینه ویرر. ممیز بونلری تدقیق و ایجاب ایدن جهتلرینی تصحیح ایدرک ینه دوسیہ سیله برابر شعبه مدیرینه کوندیرر.

مادہ ۲۱: شعبه مدیری اوراقی بالتدقیق ایجاب ایدن تصحیحاتی علاوه ایدر واکر مسئله مدیرک تدقیقات مخصوصه سیله اکتفا ایدیله بیله جک ماهیتده ایسه مسوده کی برای تبیض قلمه اعاده ایدر و بالعکس ایش بر اهمیت مخصوصه کی حائر بولنور ایسه دوسیہ ایله برابر مستشاره کوندیرر.

مسود طرفندن اول امرده خطرہ احضار ایدلمش اولدینی تقدیرده بونی بر مسوده حالنه افراغ اولنق اوزره قلمه اعاده ایدر و آندن صوکره مسوده حقندہ ینه عین معامله یاپیلر.

مادہ ۲۲: مستشار مدیرلر طرفندن کندیسنه کوندیریلان دوسیہ لری تدقیق ایدرک صورت قطعیه ده تصحیحاتی اجرا و مدیریته اعاده ایدر و ایچلرنده بالذات ناظرک کورمسی لازم کلنلری وار ایسه اونلری دخی قلم مخصوصه ارسال ایدر.

مادہ ۲۳: مدیریت قلمنه اعاده اولنان دوسیہ لر ممیز طرفندن میضلره توزیع ایدیله رک صورت

مبيضه لرينك قلم مقيد لكمنجه قيدي اجرا اولندقدن صوكره براي امضا مستشار ويا ناظره تقديم اولنور .
امضا معامله سندن صوكره ينه مديريت قلمنه اعاده اولنان اورا قك قوپيه ماكنه سييله صورتى آلنه رق قوپيه
دفترى قلمده حفظ ايديلور ومسوده دوسيه به بالادخال مذكور امضالى صورت مرسل اليه ايصال ايدلك
اوزره با امضا اوراق مديريتته ويريلير .

اوجنجي باب

مأمورينك يكديكريله واصحاب مراجعته ، ناسباتي

ماده ۲۴ : مستشارك ومديرلك اصحاب مصالحى قبول ايتلمرى ايچون ايام وساعات مناسبه تعيين
واعلان ايديله جك واوقات مذكوره ملاقات ايتك ايستينلر نوبت صره سييله مستشارك ويا مديرلك نزيديه
داخل اوله جقلردر . مديرلك مستشار نزيديه و قلم ميمزلرى مديرلك نزيديه استيدانله هر ساعتده كيره بيليرلر .

ماده ۲۵ : مجلس اعيان ومبعوثان اعضاسى اعلان اولنه جق ايام وساعات مخصوصده ناظر طرفندن
قبول ايديلورلر . اصحاب مصالحك ناظرله ملاقاتى قلم مخصوص مديريتته تحريراً بلر مراجعه مقصد زيارتك بيان
اولنسنه متوقفدر . بوكا ويريله جك جوابده يوم وساعت قبول بيليريلير .

ماده ۲۶ : دائره رسميه ده احبانك قبول زيارتى جائز دكلدر . دائره عدليه نك قسم اداريسنده ايشنى
تعقيب ايتك ايستين اصحاب مصالحه ايشلرينك درجائى حقنده درحال ايجاب ايدن معلوماتى ويرمك اوزره
مديريتلىر اقلامندن ايجابى قدر افراز اولنان مقيدلردن مركب بر « مراجعت » قلمى تشكيل اولمشدر .
بوقلمدن ويريله جك معلوماته قناعت ايتيوب مديريتلردن برينه ويا مستشارلغه مراجعه لزوم كورنلر ملاقات
ايتك ايستدكلرى مأمورك يوم وساعت قبولى اشبو قلمده بولنديريله جق جداولدن اكلايه رق اووقت ايچون
بر « ورقه قبول » استحصال ايدجكلردر . قسم ادارى به دخول بوجهله برورقه قبولى حامل اولمغه متوقفدر .

دردنجي باب

مأمورينك صورت دوام و مأذونيتى

ماده ۲۷ : مأمورين ايام رسميه تعطيلده دن ماعدا هركون اوكله دن ايكي بچق ساعت اول ايشه
باشلايه رق وقت ظهرده طعام ايچون بر ساعت تنفس ايتدكدن صوكره بعدالظهر ساعت درت بچقه قدر
مأموريتلىر باشنده بولنه جقلردر . بوصورتله يومى مدت اشتغال آلتى ساعت اولمق اوزره تحديد ايدلمشدر .
مع مافيه ايشلك اقتضاسنه كوره بومدت تزييد ايديله بيلير .

ماده ۲۸ : مشروع وثبت بر معذرته مستند اولميه رق آيده اوچ كوندن فضله غيبويت ايدنلرك

معاشلردن انجمن اداره قراريله قسطاليوم اجرا اولنور . برصباح وبر اقشام دوام جدولنده امضاسى بولميا نلر
بركون كله مش عد ايديلور . فقط قطع اولنان مقدار معاشك عشرينى تجاوز ايدمىز .

دوامسزلى بونسبتدن زياده اولانلر حقنده باب آتى وجهله تدابير انضباطيه اجرا اولونور .

ماده ۲۹ : هر سنه نهايتنده مأمورينك اوسنه ظرفنده كى دوامسزلقلى ماده سابقه دائره سنده بالحساب
حاصل جمع سجالرينه قيد اولونور وبوقيد اثنائى ترفيعده و برسنه ظرفنده مستحق اولدينى مدت مأذونيتك
طلب واستعمالنده نظر اعتباره آلير .

ماده ۳۰ : مأذونيت نظامنامه مخصوصنده معين اولان صورت خارجنده مأمورينك طلب ايدجكلرى
مأذونيتك ترويجى طلب واقع خسته لق كى بر معذرت مشروعه به مستند بولونمق ووظيفه لرينك سكتهدار
اولمايه جنى مافوقلى طرفندن بالتصديق وظائفك صورت ايفاسى ده تعيين ايدلك شرطريله مقيددر .

رؤسای اداره نك وقت وكيفيت مأذونيتلىر مقام نظارتك تقديرينه منوطدر .

بشنجى باب

تدابير انضباطيه

ماده ۳۱ : بطاآت ، دوامسزلق ، سر كشلك كى بر صورتله ايفائى وظيفه ده قصورلى كوريله جك
مأمورين حقنده مستشارك تحت رياستنده اولمق اوزره امور جزائيه ، امر حقوقيه ، سجل وقلم مخصوص
مديرلردن مركب بر قوميسيونك قرارينه ونظارتك تصديقه مستنداً بوجه آتى تدابير دن برى ويا برقاقى
تطبيق وكيفيت او مأمورك سجالنه قيد اولونور :

۱ - اخطار ،

۲ - توبيخ ،

۳ - قسطاليوم ،

۴ - تنقيص قدم ،

۵ - تنزيل صنف ،

۶ - تأجيل مأموريت ،

۷ - عزل .

ماده ۳۲ : اخطار ، مأموره مافوق طرفندن حركت غير لايقه سنك عدم تكررى لزومنه دائر واقع

اوله جق تنبيهدر .

ماده ۳۳ : توبيخ ، مأمورك ناظر ويا مستشار نزيينه جلب ايديله رك حركتك موجب مؤاخذه

اولدينى رسماً بيان ايدلمكدر .

ماده ۳۴ : قسطنطینوم ، بر مأمورك معاسندن بر ویا متعدد كونده لكك خزینه منقعه توقیف ایدلسیدر .

ماده ۳۵ : تنقیص قدم ، بر مأمورك حائر اولدینی قدم مدتندن بر وایکی ونهایت اوج سنهك تنزیلی یعنی اومتد ظرفنده ترفیعك عدم اجراسیدر .

ماده ۳۶ : تنزیل صنف ، بر مأمورك بولندینی موقعندن بر صنف مالدوننه ایندیرلسیدر .

ماده ۳۷ : تأجیل مأموریت ، بر مدت معلومهك مرورنده ینه عین درجهده مأموریته تعیین ایدلك اوزره بر مأمورك بلا معاش موقع حاضرندن محروم ایدلسیدر .

ماده ۳۸ : عزل ، بر مأمورك علی الاطلاق مأموریتندن محروم ایدلسیدر .

ماده ۳۹ : ایشای وظیفهده تراخی و اهل : اولاً خطاری ثانیاً توبیخی ثالثاً قسطنطینومی رابعاً عزلی ؛

سرکشلک و مافوقه عدم اطاعت و اواخره عدم رعایت : درجه سنه كوره خطاردن عزله قدر جزایی ؛
دواستزلق : بلا معذرت آیده اوج كوندن فضله اولورسنه قسطنطینوم و تنقیص قدم و تنزیل صنف و تأجیل مأموریت و عزل جزالزندن برینی ؛

اصحاب مصالحه سوء معامله : درجه سنه كوره خطاردن عزله قدر جزایی ؛

دائرة رسمیهده احبلك زیارتی قبول ایتك : خطاردن تنقیص قدمه قدر جزایی ؛

معاملات قلمیهده یولسزلق : اهمیتنه كوره خطاردن عزله قدر جزایی ؛

خارجه افشآت : كذلك اهمیتنه كوره خطاردن عزله قدر جزایی ؛

ترقیع و تلطف ایچون وسائل غیرمناسبه ایله مراجعت : خطاردن تنزیل صنفه قدر جزایی مستلزمدر ، برسنه ظرفنده تکرار تشدید جزایی استلزام ایدر .

التنجی باب

مواد شتی

ماده ۴۰ : مدیریتلرجه و انجمن وقومیسینلرجه متخذ مقررات مقام نظارتك تصدیقه اقترا ایتدكجه قابل اجرا دكلدر .

ماده ۴۱ : اقلامك معاملاتندن اولاً صاحب وظیفه ، ثانیاً ممیز و ثالثاً مدیر مسئول اولوب بو مسئولیتك معناسیده حرکت واقعهك تدابیر انضباطیهی ویا تعقیبات جزائییهی دعوت ایتسندن عبارتدر .

ماده ۴۲ : هر قلمك ماهیت مشاغلی نقطه نظرندن محتاج اولدینی ترتیبات و اوقلمجه اعمالك صورت تقسیمنه عائد فروع وظائف مدیرلر طرفندن تعیین اولنور .

ماده نهائیة

اشبو نظامنامه مندرجاتك اجراسنه عدلیه نظارتی مأموردر .

اشبو نظامنامهك نظامات دولته علاوهسنی اراده ایدرم .

۷ جاذی الاخره سنه ۱۳۲۹ و ۲۳ مایس سنه ۱۳۲۷

محمد رشاد

صدراعظم

عدلیه ومذاهب ناظری

ابراهیم حقی

نجم الدین

اصول محاکمه حقوقیه قانوننک مواد مذیلہ سنہ دائر ایضاحنامہ در

دعاویٰ حقوقیه و تجاریہ نک صورت اقامہ و حکمنجہ بعض تعدیلات و تجدداتی متضمن اولہرق ترتیب اولنوب اکتساب قانونیت ایدن (اصول محاکمه حقوقیه قانون موقتہ مذیل قانونک) تاریخ مرعیتی اولوق اوزرہ معین اولان زمانک حلولہ آز برمدت قالمش و کرچہ حکامک ملکہ واستعدادلری ہونک حسن تطبیقہ کافل بولنش ایسہدہ ہرکی قانونک مبدأ تطبیقندہ بعض مشکلات و ترددات ظہوریہ دہ غیرقابل انکار بولنش اولدیغندن ایلرودہ ہر کونہ ترددہ محل قالماق اوزرہ قانون مذکورک احکام عمومیہ سی حقندہ بعض ایضاحات اعطاسی مناسب کورلمشدر. اول امردہ شونقطہ نک اکلاشلہ سی اقتضا ایدرکہ اشبو قانون کرچہ اصول محاکمه حقوقیہ مذیل ایسہدہ اصول محاکمه حقوقیہ قانونی الیوم محاکم مختلطہ دن ماعدہ بالجملہ محاکم حقوقیہ و تجاریہ دہ مرعی اولدینی کی بوکاتقدم ایدن اصول محاکمه تجارت نظامنامہ سنک دخی اصول محاکمه حقوقیہ ایلہ منفسخ اولمیان احکامی محاکم تجارتجہ معمول بہ اولدیغندن قانون حاضرک دخی کرک محاکم حقوقیہ و کرک محاکم تجاریہ دہ مرعیتی مقرر و اصول محاکمه حقوقیہ ایلہ قانون حاضرک اصول محاکمه تجارت احکامندن صراحتہ منسخ ایتدیکی احکام کماکان معتبردر .

اشبو مواد مذیلہ شمدی بہ قدر مرعی اولان قواعد قانونیہ دن بر قسمی فسخ و الغا و بر قسمی تعدیل و اصلاح ایلش اولدینی کی تماماً یکی بعض احکامی دخی احتوا ایلکدہ در. بایدہ ایضاحات و تفصیلات اساسیہ کیرشمزدن اول احکام عمومیہ سی تلخیص ایدلکدہ کورولورکہ بر وجہ آتی قواعد قانونیہ فسخ و الغا اولنمشدر . بونلردہ :

(۱) مدعی علیہک دائمی اقامتکاهی بولندینی حالہ ہر دعوانک مدعی علیہک اقامتکاهی محکمہ سندہ اقامہ اولنمسی

(۲) وکیل مسخر تعیین قلمسی

(۳) اعلامات غیابیہ نک اجرایی ویا بونلردن طولایی دعوای استینافیہ اقامہ سی ایچون مدت اعتراضک

مرورینہ انتظار ایدلمہ سی

(۴) محاکم استینافیہ دہ اعلام مستأنف بہک فسخنہ قرار ویرلکدن صکرہ یکیدن اجرای محاکمہ اولنمسی

(۵) بر اعلامک فسخ و نقضندن استفادہ ایدہ بیلیمک ایچون محکوم علیہک جملہ سنک ہر حالہ طرق

قانونیہ مراجعت ایتسی

(۶) محکمہ تمیزدہ تساوی ارا وقوعندہ دعوانک محکمہ تمیز ہیئت عمومیہ سندہ تدقیق

(۷) تصحيح قرار صورتيله تکرار تدقیقات ایفاسی

(۸) انشای محاکمه طرفین برینک وفاتی حالنده ورثه نك جلی حقنده عرفحال اعطا ایتمی

(۹) مبدأ دعوی تاریخی تعیین ایچون طرفینک تشکلی امرنده کی مجبوریتلردن عبارتدر .

تعديل واصلاح اولان قواعد ایسه مواد آتیه در :

(۱) صلاحیت محکمه یه دائر قواعد

(۲) قابل استیناف اولان دعاویده لایحه تعاطیسی

(۳) قابل استیناف اولان دعاویده وبعض احوالده طرفینک محکمه یه جلی حقنده کی مدتلرک صورت تعیینی

(۴) محاکمه نك اجرا سنده و حکمك اعطاسنده کی قواعد

(۵) استیناف وتمیز دعوالرنده اجراسی لازم کلان شرائط استینافیه وتمیزیه حقنده کی قواعد

(۶) محکمه تمیزک اوراق دعوائی صورت تدقیقه متعلق قواعد

(۷) اشتکاء عن الحکام دعواسنک اسباب اقامه سندن اولان احقاق حقندن استنکاف ماده سنک ثبوتنه

متعلق قواعد ایله اشتکاء عن الحکام عرفحالنک ردی حالنده مشتکی به حکم اولنه جق جزای تقدینک مقداری

(۸) اسباب اعاده یه متعلق قواعد

(۹) اعلاماتک صورت تنظیمه متعلق قواعد

(۱۰) طرق قانونیه ایچون معین اولان مدتلر

(۱۱) حجزه متعلق بعض قواعد

(۱۲) حکم ومیز تعییننده کی قواعد

(۱۳) محل آخرد بولنلر حقنده اجرای تحلیفه متعلق قواعد

(۱۴) کشفک بالنیابه اجراسنه متعلق قواعد

صلاحیت دأر

ذیل مذکورک بر ماده دن عبارت اوله رق صلاحیت محاکمه متعلق اولان فصل اولی تماماً یکی احکامی محتوی اولیوب اوتدنبیری قسماً موجود و مرعی و قسماً محکمه تمیز اجتهادیه مقرر اولان بعض قواعدک دها زیاده وضوع و صراحتله بر شکل قانونیه افراغ ایدلش اولسندن وبو میانه اقامتگاه مسئله سنک بر مرتبه توسیع ایدلسندن عبارتدر .

هرشیدن اولشوراسنی خاطر دن چیقارمه ملیدر که صلاحیت مسئله سی عین صفت ودرجه یی حائز محکمه لره

حدود قضاسنی تقیید و تحدیددن عبارت اولوب وظیفه مسئله سنی بوندن تفریق ایتک اقتضا ایدر. وظیفه مسئله سی محکمه لره حق قضاسنی صفت ودرجه اعتبار یله تقیید و تحدید ایدن برکیفیتدر. مثلاً بر حقوق محکمه سنک جزا دعواسنی، بر تجارت محکمه سنک حقوق ویا جزا دعواسنی و بر جزا محکمه سنک حقوق و تجارت دعواسنی، بر محکمه نظامیه نك بر دعوائی شرعیه یی، بر محکمه عسکریه ویا اداریه نك بر دعوائی عادیه یی رؤیت ایتمی، بر بدایت محکمه سنک استینافاً و بر استیناف محکمه سنک بدایه رؤیت مصالح ایتمی قانوناً ممنوعدر و رؤیت ایتدیکی تقدیرده صفت ودرجه قانونیه سندن خارج برایش کورمش اولور . بو صورتله واقع اولان تقیید و تحدید « وظیفه » مسئله سی دینلور که بو کیفیت انتظام عمومی یه و تشکیک محاکمه تعلق ایدر مسائلدن اولق اعتباریله دعوانک هر وقت وزماننده و هر درجه سنده بدایه ویا استینافاً و تمیزاً طلب اولنه بیلور و حتی طرفیندن طلب وقوع بولسه دخی محکمه رأساً قرار ویرمه مجبوردر .

صلاحیت مسئله سنه کلنجه بدایه اقامه اولنه جق بر حقوق دعواسنک هانکی حقوق محکمه سنده ویا تجارت دعواسنک هانکی تجارت محکمه سنده رؤیت اولنسندن ویا استیناف ایدیه جک بر حکم ابتدائینک هانکی استیناف محکمه سنده اقامه سی لازم کله جکندن عبارت اولان یعنی عین صفت ودرجه یی حائز محاکدن هانکی سنک رؤیت دعوا یه حائز اقتدار اولدینی تمین ایدن بومسئله، حقوق طرفیندن معدود اولدینی و انتظام عمومی یه غیر متعلق بولدینی جهته علاقه دار اولانلرک بوندن صراحة ویا ضمناً صرف نظر ایتلری جائزدر و بو صورتله محاکمه مرجع قانونیه سنک غیری بر محکمه خلاف صلاحیت دخی رؤیت دعوی ایده بیلور . صلاحیت مسئله سنده اصل اولان مدعینک مدعی علیه ک اقامتگاهی محکمه سنه مراجعه مجبور اولسیدر . انجق قانون مدعی علیه ک دائمی ویا موقت اقامتگاهی ویا مرکز معاملاتی تعیریله اقامتگاهک دائره شمولی توسیع ایتش اولدینندن بوبابده بعض ایضاحات اعطاسی مناسب کرریلور . شوبله که :

اقامتگاه یا حقیقی ویا حکمی اولور . اقامتگاه حقیقی : بر شخصک صورت دائمده بالفعل ساکن اولدینی محل تعیریله اوسته اوسته مسکنیدر . اقامتگاه حکمی ایسه بر شخصک باشلوجه اشتغال ایتدیکی معاملاتک محل جریانیدر یعنی مرکز معاملاتیدر . شو حالده بر تاجرک اقامت ایتدیکی خانه او تا حرك اقامتگاه حقیقی سی و امور تجاریه سی تسویه وایفا ایتدیکی محل اقامتگاه حکمیدر . مثلاً اسکدارده مقیم اولان بر شخصک غلطده بر تجارتگاهی اولسه اوسته شخصک اقامتگاه حقیقی سی اسکدار و اقامتگاه حکمیه غلطه عد اولور . شو حالده قانونده مرکز معاملات تعیریله اقامتگاه حکمی مراد ایدلدیکی تظاهر ایدر . بناء علیه بر شخصک علیه اقامه اولنه جق دعوی او شخصک یا اقامتگاه حقیقی سنده ویا خود مرکز معاملاتنده یعنی اقامتگاه حکمیه سنده اقامه اولنه بیلور . کذلک اقامتگاه حقیقی دخی یا دائمی ویا موقت اولور مثلاً بروسده اقامتگاه دائمی بولنن بر شخصک بر مأموریتله قونیه ده

اقامت ايتديكى فرض ايديلورسه اوشخصك اقامتكاه حقيقى دائيمى بروسه و اقامتكاه حقيقى موقتى قونيه عد اولنور. بناءً عليه مدعينك بونلردن برنده اقامه دعوايه حق اختيارى واردر.

شوقدر كه اقامتكاه موقت مسئله سنده محكمه لك پك زياده دقت وبصيرت كوسترملرى لازمه دندر. زيرا ياسياحت ويا تبديل هوا ضمننده ويا برقاج كونلك برايش ايچون موقتاً بر محله بولنانلر حقنده او محل هيچ بروقت اقامتكاه موقت عد اولنوماز. بالعكس بوصورتلر حال سفردن بشقه بر تعبير ايله قابل توصيف دكلدر بر محلك بر شخصه اقامتكاه موقت عد ايديله بيلمى ايچون اوشخصك هيچ اولمازسه اقامتكاه دائيمىسه عودتى محقق اولمقله برابر اوراده مدت اقامتكاه نا قابل تعيين اولمى لازمدر. مثلاً مأمورين دولتن برينك اجراى مأموريت ايتديكى محل كنديسنىك اقامتكاه موقتى عد اولمق طبيعيدير. چونكه او مأمورك محل مأموريتسندن نه وقت انفكلك ايدجكي قابل تعيين دكلدر.

بوقاعده اصليه ماده مذيله ايكي نوع استثناء وضع واحداث ايتشد. برنجى نوع استثناءيه كوره قانوناً معين بعض احواله مدعى مدعى عليهك دائمي ويا موقت اقامتكاهنك ويا مركز معاملاتنك غيرى بر محكمه يه دخی مراجعته بخيردر.

ايكنجى نوع استثناءيه كوره قانوناً معين بعض احواله مدعى مدعى عليهك مارالذكر محاكم غيرى بر محكمه يه مراجعته مجبوردر.

برنجى نوع استثناء اعتباريله مدعى بخيردر ايسترسه مدعى عليهك دائمي ويا موقت اقامتكاهي ويا مركز معاملاتى محكمه سنه مراجعت ايدر ايسترسه قانونك تعيين ايتديكى محل محكمه سنه مراجعت ايديله ييلور اوده شونلردر :

- (۱) تعهداتدن منبعث دعاويده تعهدك اجرا قلنه جنى محل محكمه سنه
- (۲) كذلك ينه تعهداتدن منبعث دعاويده هم بدلك الديقى هم تعهدك واقع اولدينى محل محكمه سنه
- (۳) مدعى عليهك امددى حالنده بونلردن برينك اقامتكاهي محكمه سنه
- (۴) براقامتكاه اختيار اولندينى حالده بواقامتگاه اختيارينك بولدينى محل محكمه سنه
- (۵) جرمندن منبعث حقوق شخصيه دعوالرنده جرمك وقوعبولدينى ويا مدعى عليهك توقيف اولندينى محل محكمه سنه مراجعت ايديله ييلور.

ايكنجى استثناءيه كوره مدعى آتى الذكر درت متنوع محل محاكمه يعنى

- (۱) شركت عليهنه وقوعبولان دعاويده شركتك مركز معاملاتى محكمه سنه
- (۲) افلاسه متعلق دعاويده مفلسك تجارتكاهنك وياخود مركز معاملاتنك بولندينى محل محكمه سنه

(۳) مصارف محاكمه واجرت. وكالات دعوالرنده اساس دعوايى رؤيت ايدن محكمه يه

(۴) اموال غير منقولهك ملكيت وتصرفى دعوالرنده اموال مذكورهك بولندينى محل محكمه سنه مراجعته مجبوردر يعنى بومحلكر محاكمى ترك ايدوب بالاده مذكور ديكر محلكر محاكمه حتى مدعى عليهك اقامتكاهي محكمه سنه مراجعت ايدمهز.

برنجى نوع استثنائى تشكيل ايدن احوالدين برنجيسى كه تعهداتدن منبعث دعاويده بونده مدعى بخيردر ديلرسه مدعى عليهك دائمي ويا موقت اقامتكاهي ويا مركز معاملاتى محكمه سنه ديلرسه دعاويده سبب اولان تعهدك اجرا قلنه جنى محل محكمه سنه مراجعت ايدر مثلاً اقامتكاهي در سعادت، مركز معاملاتى از ميرده اولان بر كيمسه (نقداً آلمش اولديغى اون ليرايى بروسه ده تأديه ايدجكم) وياخود (ثمنى اخذ ايتمش اولديغى فلان مالى بروسه ده تسليم ايدجكم) ديو تحريراً ويا شفاهاً تعهد ايتسه بوتعهدندن منبعث دعاويده مدعى بخيردر ديلرسه متعهدك اقامتكاهي اولان در سعادت وياخود مركز معاملاتى اولان از مير محكمه سنه ديلرسه تعهدك اجرا قلنه جنى بروسه محكمه سنه مراجعت ايدر.

(۲) كذلك تعهداتدن منبعث دعاويده مدعى بخيردر ديلرسه مدعى عليهك دائمي ويا موقت اقامتكاهي ويا مركز معاملاتى محكمه سنه ديلرسه دعاويده سبب اولان تعهدك وقوعبولدينى واول تعهد مقابلنده النان شيك تسليم ايدليكي محل عيني محل ايسه او محل محكمه سنه مراجعت ايدر. مثلاً اقامتكاهي در سعادت و مركز معاملاتى از مير اولان بر شخص آخر بر شخصدن بروسه ده بر مقدار اچقه آلسه و مبلغ مأخوذى تأديه ايدجكنى ينه بروسه ده تعهد ايتسه ويا شخص مذكور بر شخص آخردن بروسه ده بر مقدار اچقه آلب مقابلنده فلان ايشنى كوره جكنى ينه بروسه ده تعهد ايتسه وياخود شخص مذكور بروسه ده بر تاجردن بر مال اشترا ايتسه و بدلى تأديه ايدجكنى ينه بروسه ده تعهد ايتسه بوتعهدلردن منبعث دعاويده مدعى بخيردر ديلرسه مدعى عليهك اقامتكاهي اولان در سعادت ويا مركز معاملاتى اولان از مير محكمه سنه ديلرسه بروسه محكمه سنه مراجعت ايدر فقط شخص مذكور بروسه ده كنديسنى بر شخص آخر طرفسندن امانه توديع ايديلن بر اچقه يي ذمته كچورسه فقط مبلغ مذكورى تأديه ايدجكنى ادر نه ده تعهد ايتسه بوتعهدندن منبعث دعوايى رؤيته نه بروسه محكمه سنى نه ده ادر نه محكمه سنى صلاحيتدار دكلدرلر زيرا تعهدك وقوعبولدينى محل يعنى ادر نه ايله مقابلنده النان مبلغك تسليم ايدليكي محل يعنى بروسه بر اوليوب آيرى آيرى محلكلردر.

شوراسى بالخاصه قيد وتذكاره شايندر كه كرك تعهدك اجرا قلنه جنى وكرك تعهدك وقوعبولدينى وبدلك قبض اولندينى محل محكمه لرينك رؤيت دعاويده حائز صلاحيت اولمى ايچون طرفينك بو نقطه لرده تصادق وياجى اشتباه اوليه جق صورتده دلائل تحريريهك وجودى لابدر عكس تقديرده قاعده اصليه يه رجعت اولنور.

ماده ۲۸: عرف و عادت تجاریه اقتضای کثیرا سند آنک تاریخ تنظیم آن تحریریه اکتفا اولمیب تاریخ حداسنه محل تنظیمی دخی درج اولنور بوندن مقصد تعهدك محل وقوع علیه بدلنك محل اخذنی مثبت بر دلیل قانونی به دسترس اولمقدر بوحالده اقامتگاهی در سعادته اولان بر شخص (ثمنی تماماً اخذ ایتدیكم فلان امتعه بی فلان تاریخده فلان کیمسه به تسلیم ایده جکم) دیو بر سند امضا و سند مذکور تاریخخی حداسنه و یا خود زیر و یا بالاسنه بروسه کلمه سنی دخی درج ایتش اولسه خلافی اثبات اولنجه به قدر امتعه نك تسلیمی تعهدی بروسه ده واقع اولمش و بوامتعه مقابلده آلتان ثمن بروسه ده تأدیة ایدلمش عد اولنور و بوضو رتله سند مذکور امضا ایده نك اقامتگاهی در سعادته اولسه دخی اوندن متولد دعوائی رؤیته بروسه محکمه سنی صلاحیتدار اولور .

(۳) عینی جهندن متولد و یا متفرع دعاویده مدعی علیهم متعدد اولوبده هر برینك اقامتگاهی آیری محللرده بولنسه مدعی مخیردر بولنردن برینك اقامتگاهی محکمه سنی جمله سنی جلب و احضار ایده بیلور مثلاً بری استانبولده بری بروسه ده بری ادرنده مقيم اوج شخص جهت قرضدن مشترکاً و یا مجموع دین ایچون یکدیگرینه کفاله و یا خود بری اصالة و دیگرلری کفاله مدیون اولدقلری مین بر سند امضا ایتش اولسه لر داین مخیردر دیلرسه در سعادته دیلرسه بروسه دیلرسه ادرنه محکمه سنده اقامه دعوی ایدر کذلک هر برینك اقامتگاهی آیری محللرده بولنر اوج شخص مشترکاً شخص آخرك مالی غصب و یا اتلاف ایتسه لر مال صاحبی مخیردر جمله سنی اوج اقامتگاهدن برینك بولندینی محل محکمه سنی جلب و احضار ایده بیلور .

(۴) حین عقدده بر اقامتگاه اختیار اولنش ایسه مدعی مخیردر دیلرسه مدعی علیه اقامتگاهی محکمه سنی دیلرسه اقامتگاه اختیارینك بولندینی محل محکمه سنی مراجعت ایدر . صلاحیت محاکمه دائر اولان قواعد قانونیه باشلوجه طرفین متخاصمینك وبالخاصه مدعی علیه حقوق و منافع تأمین مقصدیه وضع و تأسیس ایدلمش اولدینی جهته عاقدیندن بری و یا هر ایکسی بینلرنده واقع اولان عقددن تولد ایده جک منازعاتك مدعی علیه اقامتگاهنك غیری بر محکمه ده رؤیت ایدلسنه راضی اولدقلری بیان ایدرلرسه بوتعهدلری قانوناً صحیح و معتبردر فقط بویه بر تعهد وقوعنده نظر اولنور اکر اقامتگاه اختیاری تعیینندن مقصد یا لکن بر طرفی الزام ایتک ایسه دیگر طرف مخیردر دیلرسه مدعی علیه اقامتگاهی محکمه سنی دیلرسه اقامتگاه اختیارینك بولندینی محکمه به مراجعت ایدر فقط اقامتگاه اختیاری تعیینندن مقصد هر ایک طرفی الزام ایتک ایسه دعوانك اقامتگاه اختیاری محکمه سنده رؤیتی طلبده هر ایک طرفك حق اولور مثلاً در سعادته مقيم بر کیمسه (بدلی نقداً آلدیم اون لیرانك تاریخدن بر آی صکره اداسنی تعهد ایدرم و بوندین طولانی علیهمده اقامه اولنه جق دعوانك بروسه محکمه سنده رؤیت اولنسنه راضییم) دیو بر سند اعطا ایدرسه مدعی مخیردر دیلرسه استانبول دیلرسه بروسه محکمه سنی مراجعت ایدر .

فقط مدیون متعهد سندنده (بوندین منبعث دعوی انحق بروسه محکمه سنده رؤیت اولنه بیه جکدر) دیو بر قید درج ایتش اولسه احواله مدعی مدعی علیه عدم رضای حالده اقامتگاهی محکمه سنی مراجعته حق اولمیب آنحق بروسه محکمه سنی مراجعت ایده بیلور . و هر حالده اقامتگاه اختیاری کیفیتی متن مقاوله ده صراحة ذکر و ایراد ایدلمش اولسی لابددر . شوقدر که تجار بیننده متعامل اولان عرف و عادتجه بونوع تعهدانده (اقامتگاه اختیاری بروسه در یا خود استانبولدر) دیو بر عبارته استعمال ایدلمش ایسه بوده تعیین مرجع محاکمه به کفایت ایدر

(۵) بر جرمدن منبعث حقوق شخصی دعوائی نوع و ماهیتنه کوره محاکم حقوقیه و یا تجاریده اقامه ایتک ایستیان مدعی مخیردر دیلرسه موقوف اقامتگاهی محکمه سنی دیلرسه موقوف بولندینی محل محکمه سنی دیلرسه جریمك ایقاع ایدلریکی محل محکمه سنی مراجعت ایدر . مثلاً اقامتگاهی در سعادته اولان بر کیمسه تکفور طاغنده بری جرح ایدوب ادرنه به فرار ایتسه و ادرنده موقوف بولنسه مدعی مخیردر حقوق شخصی سنك تحت حکمه آلتسی ایچون دیلرسه استانبول دیلرسه تکفور طاغی دیلرسه ادرنه محکمه حقوقیه سنی مراجعت ایدر .

ماده ۲۹: اولاً هر نه قدر قانونده بو باید آروجه احکام صریحه وضعنه لزوم کورلماش ایسه ده ممالک عثمانیه ده دائمی و یا موقت اقامتگاهلرینك تعیین ممکن اولیه جق درجه ده تبدیل مکان ایله مألوف اولان اشخاص علیهمده کی دعوی بالضروره اشخاص مذکورنك انشای دعواده بولندقلری محل کنديلرینك اقامتگاه موقتی عد اولنهرق اومحل محکمه سنده اقامه اولنور . ثانیاً ممالک عثمانیه ده دائمی و یا موقت اقامتگاهی اولیان و حتی انشای دعواده نرده بولندقلری معلوم اوله میان و دیگر بر محکمه به مراجعته امکان ویره جک اسباب و احوال قانونیه بولنریان اشخاص علیهمده کی دعاوی دعوایه سبب اولان احوال و کیفیاتك وقوع بولدینی و یا خود مدعی علیه ك صوك بولندینی محل محکمه سنده رؤیت اولنق ایجاب ایدر . ثالثاً صلاحیتدار بر محکمه ده دعوانك اقامه سندن صکره مدعی علیه اقامتگاهی تبدل ایدرسه بوتبدلک صلاحیت مسئله سنی اصلاً تأثیری اوله میوب در دست رؤیت اولان دعوی اول محکمه ده حکمه ربط اولنور

ایکنجی نوع استثنایه کلمه : اولاً تجارت شرکتلرینك هر بری نظر قانونده شرکتانك شخصندن آیری اولهرق اشخاص حقیقه کی عقد مقاولیه و داین و مدیون و مدعی و مدعی علیه صفتیه محاکمه و خاصمه به اهلیتی حائر برر شخص معنوی حکمنده اولدقلرندن شرکت ایله اجرا ایدیان معاملاتدن طولانی شرکتانك شخصلری عاینه اقامه دعوی جائز اولمیب خصوصته صالح شرکا علیه شرکتك شخص معنویسنه اضافه اقامه دعوی اولنق اقتضا ایدر . بو حالده نظر قانونده شخص حقیقی حکمنده اولان شرکت تجاریه نك اقامتگاه حقیقی مفروض اوله به جهندن اقامتگاه حکمیسی اولان مرکز معاملات

یکانه اوله رق مرجع دعوا به اساس اتخاذ اولمشدر . بناء علیه شرکتک شخص حکمیسی علیه اقامه اولنان دعوی اقامتگاه حکمیسی اولان مرکز معاملاتنک بولندینی محل محکمه سنده رؤیت اولنور . شوقدر وارکه شرکت تجاریه نک شخصیت معنویه ویا حکمیسی تصفیه معاملاتنک ختامه قدر دوام ایتدیکی وختامیه برابر ضایع اولدینی جهته مرکز معاملاتنک دخی عین زمانده اقامتگاه حکمی منبتدن ساقط اولوب ختام تصفیه دن صکره شرکا بینده امور شرکتدن متولد دعاوی کندیسنه توجیه خصومت ایدیلن شریکک اقامتگاهی محکمه سنده رؤیت اولنور فقط دعوی شرکا بینده جاری اولیوب اشخاص ثالثه طرفدن امور شرکتدن ناشی شرکا علیه اقامه اولنور سه تصفیه نک ختامدن بر سه صکره قدر شرکتک مرکز معاملاتنک بولندینی محل محکمه سنده فصل ورؤیت اولنور . بواسطتادن مقصد قانون سوءنیت احکامی شرکانک علی العجله شرکتی فسخ وتصفیه بی اتمام ایدوب هربری بر طرفه چکیلرک شرکتکده حق اولان اشخاص ثالثه بی محالبعیده محکمه لرینه مراجعت و بوصولته حق لردن قسماً ویا تماماً فراغت مجبور ایتلرینه میدان بر اقامقدر .

بو خصوصه عادی شرکتلر ایلر تجارت شرکتلری تفریق اولنق الزم واهمدر . عادی شرکتلر نظر قانونده شخص معنوی تشکیل ایتدکلرندن شرکت علیه اقامه دعوی صحیح اولیوب عاقد اولان شرکایه توجیه خصومت ایتک اقتضا ایدر و بوحالده کندیسنه خصومت توجیه ایدن شریکک اقامتگاهی ویا مرکز حقیقی معاملاتنک اولان محل محکمه سنه مراجعت ایتک اقتضا ایدر .

مهمظه : اولاً بر شخصک ویا بر شرکتک مرکز معاملاتنک مقصد قانونی فعلاً و حقیقه باشلوجه معاملاتنک قننی محله جریان ایدر سه او محلدی بوقسه او شخصک ویا او شرکتک اعلاناته ویا شرکت مقاوله نامه سنده خلاف حقیقت اوله رق تعیین و بیان ایتدکلری محل دکلدر . ثانیاً خصوصاً شرکتلرده مرکز معاملات صلاحیت محکمه بی تعیین مدار اوله ماز زیراً بونوع شرکتلرده شریک اشخاص ثالثه قارشو عقدی دائماً کندی نفسنه اضافله اجرا ایتدیکی و حقوق عقد منحصر کندیسنه راجع بولندینی جهته صلاحیت مسئله سی انجق عاقد اولان شریکه نسبتله حل اولنور .

بر شرکتک مرکز معاملاتنک بشقه محال مختلفه شعبه لری بولندینی تقدیرده معامله شرکتک مرکزیه اجرا ایدلش ایسه مرکزی محکمه سنه مراجعت جائز اولوب شعبه لرینک بولندینی محاکم صلاحیتدار دکلدر . فقط معامله شعبه لردن بریله اجرا اولنلش ایسه کرک او شعبه نک کرک مرکزک بولندینی محکمه لره مراجعت جائزدر فقط دیگر شعبه لرینک بولندینی محل محکمه لرینه مراجعت اوله ماز مثلاً آنویم شرکتی اولان بانق عثمانینک در سعادته کی مرکزیه اجرا ایدیلن بر معامله دن طولانی بروسه ده کی ویا سائر ولایات عثمانیه ده کی شعبه لرینک بولندینی محل محکمه لرینه مراجعت اوله ماز منحصر در سعادت محاکمی صلاحیتدارد کذلک بروسه ده کی شعبه سیله اجرا ایدیلن بر معامله دن طولانی ظهور ایدن دعاویده در سعادت محکمه سیله بروسه

محکمه سی صلاحیتدار اولوب سائر شعبه لرینک بولندینی محاکم صلاحیتدار دکلدر کذلک اناتولی ویا روم ایلی نیور یولی قومپانیه لرینک مرکز موقفلری اولدینی کی شعبه موقفلری دخی وارد مرکز موقفی ایلر یاییلان معاملاتده انجق در سعادت محاکمی صلاحیتدارد فقط مثلاً ایزمیت موقفی ایلر یاییلان بر معامله ده کرک ایزمیت محاکمی و کرک در سعادت محاکمی صلاحیتداردرلر .

ثانیاً بر تاجر افلاس ایتدکده ولو محال مختلفه شعبه لری بولنسه دخی مرکز معاملاتنک قننی محله ایسه منحصر او محکک تجارت محکمه سی افلاس اعلاننه و افلاسه متعلق دعاوینک رؤیتنه صلاحیتداردر بوراده افلاسه متعلق دعاویدن مقصد قانون افلاس وقوعیه حدوث ایدیلن مواددن یعنی مفاسک مبدأ تعطیل تأدیاتی اولق اوزره محکمه تجارت طرفدن تخصیص اولنان کوندن اون کون اوله قدر ویا اندن صکره وقوعبولان وحل وفصلی افلاس حقنده موضوع احکام مخصوصه قانونیه نک تطبیقنه متوقف اولان هر نوع عقود و معاملاتدن متولد دعاویدر اشخاص مفلسه حقنده بیان اولنان بوقاعده عینیه و تمامیه تجارت شرکتلری حقنده دخی جاریدر .

ثالثاً بر دعوا به متعلق مصارف محاکمه واجرت وکالیدن متحدث منازعاتی اساس دعوائی رؤیت ایدن محکمه اقامه به مدعی مجبوردر .

مهمظه : صلاحیت حقنده بورایه قدر ویریان ایضاحات و تعیین ایدیلن قواعد ذمه و اموال منقولیه متعلق دعاوی به منحصر اولدینی نظردن دور طوتامق لابدر .

رابعاً اموال غیر منقولیه متعلق ملکیت وتصرف دعوالرنده مدعی علیه اقامتگاهی نظر اعتباره النیوب غیر منقولک بولندینی محکک حقوق محکمه سنه مراجعت مدعی مجبوردر انجق دعوی ایدیلن اموال غیر منقولیه تعددی حالنده بولردن برینک کائن اولدینی محل محکمه سنه مراجعت اولنه بیلور برده شفعه وخیط وشریک وحق شرب وشفه وحق مسیل وحق مرور وامشالی دعاوی دخی اموال غیر منقولیه متعلق و آندن انفکاک مستحیل حقوق مجرده دن اولدیغندن غیر منقولک بولندینی محل محکمه سنه عرض اولنق طبعیدر .

تبلیغات تحریرییه در

تبلیغات تحریرییه دائر اولان فصل ثانی اصول محاکمه حاضریه یکی بر طرز مرافعه علاوه ایلشددر که اوده مرافعه شفاهییه کیریشمزدن اول بر مرافعه تحریرییه ایفاسیدر . بو اصول شمیدلک قابل استیناف اولان دعاوی به تخصیص ایدلش و بولردن ده افلاس دعوالری بالطبع استتبا ایدیلوب دعاوی بسیطه و مستعجله ده اصول مذکورک تماماً ویا قسماً بر طرف ایدلشنده دخی حکامه بر حق تقدیر ویرلشددر . فی الحقیقه افلاس دعوالرینک شکل و ماهیتی اعتباریه اوزون اوزادی به مرافعه به تحمیلی اولدیغندن بونک تبلیغات و مرافعات تحریرییه

قواعدندن استثناسی ضروری اولدینی کبی تبلیغات تحریریه ایچون قانوناً معین اولان مدتله نتیجه سی اوله رق تأخیرنده ضرر ملحوظ اولان مواد مستعجله ایله سهل الثبوت اولوب طول و دراز مرافعاته محل ویرمه جک مواد بسیطه نك حین حاجتده قرار محکمه ایله بو کلفتدن وارسته طوتلسی مقتضای مصلحتدر .

بو فصالك احکام عمومیه سی ایجابجه کرک مرافعه تحریریه و کرک شفاهیده طرفینه ایکی دفعه حق کلام اعطا ایدلشددر . یعنی مدعی و مدعی علیه متقابلاً ایکیشر دفعه لایحه تعاطی ایده جک و شفاهاً دخی ایکیشر دفعه مدعیات و مدافعاتده بولنه جقلرددر . شویله که مدعیك دعوی عرضحالی و عرضحال مندرجاتی تفصیل و ایضاح ایلجه جک لایحه سی واکا مربوط اوله جق بیانات تحریریه سی بر کره مدعی علیه تبلیغ اوله جق و مدعی علیه دخی اکا عین صورتله جواب ویره جکدر . مدعی بوجوابه قارشى مدعیاتی تأیید و خصمنك مدافعاتی رد و جرح ایده جک دلائلی محتوی اوله رق بر لایحه ده مدعی علیه تبلیغ ایده جک و مدعی علیه دخی بولایحه قارشى مدافعاتی تأیید و خصمنك مدعیاتی رد و جرح ایده جک بر لایحه متقابله ده اعطا و تبلیغ ایده جکدر .

مرافعه شفاهیده دخی عین صورتله مدعی دعوانسی ایضاح و تفصیل و دلائل و بیاناتی توضیح و تشریح ایده جک و مدعی علیه بوکا جواب ویره جکدر . مدعی بوجوابه قارشى خصمنك دفعده استعمال ایلدیکی دلائلی ردایله تأیید مدعا ایلجه جک و مدعی علیه دخی خصمنك رد مدافعه ایچون استناد ایلدیکی دلائل و بیاناته قارشى تأیید مدافعات ایلجه جکدر .

طرفینک بو صورتله تبلیغ ایده جک کیری اوراق هر حالده درت نقطه یی متضمن اولسی لازمدر که اوده :
« ۱ » ادعا و مدافعه یه سبب اتخاذ اولنان تعهدات و وقایع یعنی ذات دعوا و مدافعه نك مبنی علیهی اولان مواد و حادثات .

« ۲ » ادعا و مدافعه یه اساس اولان صور ثبوتیه .

« ۳ » مطالبات و مدافعات اصلیه و فرعیه .

« ۴ » بو مطالبات و مدافعاتی رد ایچون استناد اولنان علل و اسباب و مواد قانونیه در .
شو صورت ترتیدن لوايح متقابله نك درت فقره یی متضمن اولسی معناسی استخراج اولناملیدر .
لایحه نك فقراتی دعوانك ایجاباتنه کوره تزايد و تناقص ایتک ممکن اولوب فقط هر حالده بو درت نقطه یی جامع اولسی لازمدر . زیرا بو درت نقطه یی جامع اولیه جق هیچ بر دعوی فرض اولنه ماز .

مثلا بر شخص دیگر بر شخصدن یوز لیرا الا جق دعوا سنده بولنسه بودعواده اولا اساس ادعا اولان قرض کیفیتنی یعنی دعوانك مبنی علیهی اولان ماده یی تعبیر آخرله جهت دعوائی بیان ایده جک و فلان ذاته فلان تاریخده قرضاً یوز لیرا پاره ویرمش ایدم ذمتده باقیدر دیه جک . ثانیاً بو قرضی اثبات ایچون بدنده بولنان مدیونك سندنی کوستره جک . ثالثاً ایشته بو صورتله ثابت و ذمتده مستقر اولان یوز لیرانك تحصیلنه حکم ویرلسنی طلب ایده جک ولدی الحاجه بو مطالبه اصلیه ضمیمه فائض نظامی و سایر کبی مطالبه فرعیه دخی

بولنه جق . و رابماً بو مطالب ایچون هاندکی ماده قانونیه یه استناد ایتکده اولدینی بیلدیره جکدر . و الحاصل « بن فلان ذاته فلان تاریخده قرضاً یوز لیرا پاره ویرمش ایدم هنوز ادای دین ایتدی و بو قرضی مثبت اوله رق امضاسی تحتده شوسندی موجوددر فلان ماده قانونیه یه توفیقاً یوز لیرانك تحصیلنه و یا خود یوز لیرانك فائض نظامی سیله برابر تحصیلنه حکم ویرلسنی ایسترم » دیه جکدر .

مدعی علیه دخی بوکا قارشى ادا ویا ابراء مدافعه سنده بولندینی حالده عین صورتله « بو پاره دن بنی فلان تاریخده ابرا ایتش ایدی ویا بودینی ادا ایتش ایدم بو حادثه ادا و ابرانی مثبت اوله رق شویله بر ابرانامه ویا شویله بر علم و خبر موجوددر و بناء علیه ذمتده دین ثابت دکدر و شو تقدیرده فلان ماده قانونیه یه توفیقاً مدعیك بکا معارضه دن منعی لازمدر » جوابنده بولنه جکدر .

کذلک مدتی منقضی اولمش مأجورک تخلیه سی دعوا سنده « فلان یرده کی خانهمی ویا دکانمی شو قدر مدته فلان شخصه ایجار ایتش ایدم مدت اجاره منقضیه اولدینی حالده تخلیه ایتدی بو اجاره یی و انقضای مدتی مثبت شویله بر قونطوراتو موجوددر . فلان ماده قانونیه یه توفیقاً خانه نك تخلیه و تسلیمنه (مطالبه اصنام) و مرور ایدن شو قدر مدتک اجر مثلی اولان شو قدر غرو شک تحصیلنه (مطالبه فرعیه) حکم ویرلسنی ایسترم » دیه جکدر . مدعی علیه دخی بوکا قارشى مدافعه سی نه ایسه آنلری بو صورتله بسط و تمهید ایده جکدر .
حاصلی بو مثالردن اکلا شلدینی اوزره هیچ بر دعوی بونقاط اربعه یی جامع اولمقدن خالی قالماز زیرا هر دعوی بر فعلک ویا بر عقدک نتیجه سیدر بو فعل و یا عقد ایسه ماهیته کوره صور ثبوتیه یی استلزام ایدر بو فعل و عقددن بر حق مطالبه تولد ایلر و بو مطالبه ده احکام قانونیه نه ایسه اوکا توفیق اولنور .

شو قدر که طرفینک بو مطالبه اصلیه و فرعیه سی میاننده هر نوع اعتراضات و مدافعات ابتداییه دخی داخلدر . مثلاً مدعی علیه اعطای ایتدیکی لایحه متقابله ده اول امرده دعوی محکمه نك وظیفه سی خارجنده اولدینی بیان ایله بونی اثبات و تأیید ایده جک هر نوع علل و اسباب قانونیه یی در میان ایده بیله جکی کبی ایکینجی درجه ده صلاحیت مسئله سنی موضوع بحث ایدرک بو نقطه دن دعوانك ردینی استلزام ایده جک هر درلو علل قانونیه یی و اوچنجی درجه ده کندوسنه خصومت توجه ایتیه جکینه دائر اعتراضاتی و هلم جری بالجله مدافعاتی برر برر ذکر و ایراد ایلجه جکدر .

تبلیغات تحریریه فصلنده قانونك تعقیب ایلدیکی مقصد دعا ویده محاکمات دورا دوری منع ایدرک ال قیصه و قطعی بر طریق ایلله حکم و قراره اقتراان ایتدیرمکدن عبارت اولغله بو مقصده وصول ایچون طرفینک یکدیگره تبلیغ ایتدیره جک کیری اوراق و لوايح متقابله ده هر درلو مدعیات و اعتراضات و مدافعاتک بردن و صره ترتیبی ایلله ذکر و ایراد ایدلسنی و محاکمات شفاهیده دخی بو ترتیبه رطایب اوله رق بالنتیجه صادر اولان حکم و قرار بو مدعیات و اعتراضات و مدافعاتک برر برر نه کبی علل و اسباب قانونیه یه بناء وارد و مقبول

اولدینی ویا اولمدینی کو سترملک و مواد قانونیه سی اراؤه اولونمق صورتیه اتخاذا ایدلمسی اساس طوتمش اولدیندن طرفینک اعطا و تبلیغ ایتدیره جککری مستدعیات ولوا یحده بواساسه رعایت ایتلمی لازمه دندر . اعتراضات ابتدائیه نك اساس دعوایه متعلق مدافعه یه تقدیماً لایحه نك فقرات ابتدائیه سنده ذکر واتیانی بو اعتراضاتک مستلزم اوله جنی حقوقی محافظه یه کافی اولوب لایحه ده اساس دعوایه قارشى ویریلان جواب مدعی علیه ک بو اعتراضه تعلق ایدن حقوقی قطعاً اسقاط ایتش اولیه جقدر . مثلاً اعتراضات مذکوره جمله سندن اولان محکمه نك عدم صلاحیتی مسئله سی لایحه جوابیه نك فقرات ابتدائیه سی تشکیل ایتدکن صوکره مدعی علیه فقرات آتیه سنده «اگر بو اعتراض محکمه جه شایان قبول کورلیه رک صلاحیتک و خودینه قرار ویریه جک اولور ایسه اساس دعوایه دائر مدافعاتم شوندن و شوندن عبارتدر» دیمش ایسه اعتراضات ابتدائیه سی تماماً ایفا ایتش اوله جق و محکمه دخی مرافعه شفاهیه دن صوکره اتخاذا ایده جکی قرارک الیک قمره سی بو اعتراضه تخصیص ایده رک اول امرده انی حل ایتدکن صوکره فقرات سائر نك متضمن اولدینی مدعیات و مدافعاتیکه جکدر . عدم صلاحیت مسئله سی وارد اولدینی تقدیرده ایشی ایلویه سوق ایتیه رک او نقطه دن دعواى رد ایده جکدر . فقط لایحه ده اول امرده اساس دعوایه جواب ویرلدکن صوکره صلاحیت مسئله سی موضوع بحث ایدلمش ایسه مدعی علیه بو حق اسقاط ایتش اوله جقدر . زیرا اعتراضات ابتدائیه اساسه کیشمزدن اول درمیان ایدلمک لازمدر .

برده شو مبحث خارجنده باعث مشکلات اوله جق بر مسئله تصور اولنه بیلیر که اوده اساس دعواى اقرار نتیجه سی اوله رق بعض حقوقدن محرومیتی استلزام ایدن احوالدر . مثلاً برسنده قارشى مرور زمان اداسنده بولنان شخصک مرور زمان کیفیتى غیر واقع عد ایدلیکی تقدیرده اصل عقدی اقرار ایدرک سائر کونا مدافعاتده بولنسی اقتضا ایدرسه مرور زمانى تقدیماً درمیان ایتدکن صکره «اگر مرور زمان مسئله سی غیر واقع عد ایدیلور ایسه ایشو دیندن شوبله بر ادا ویا شوبله بر ابرا ایله برییم» دیه جک اولدینی تقدیرده اصلی اقرار ایتش ودفعی اثبات کلفتی تحمل ایش اوله رق ارتق مرور زمانک حکمت ایرادی مرفوع و محکمه جه بونک نظر دقتیه النسی مستحیل اوله جگندن مدعی علیه ک مرور زمانه متعلق حقندن طریق استفاده سی قاپانمش اولور . بویه بر حالده مدعی علیه ک مرور زماندن حق استفاده سی سلب ایدیه میه جگندن مرافعه تحریریه و شفاهیه ده اساس دعوایه کیشمه ک جبر اولونمق سزین مرور زمانه متعلق بر قرار ویرلمسی لازمه دن اولدینی کبی مرور زمانک عدم وقوعه قرار ویرلمش و اساس مسئله دخی مواد بسیطه دن اولیوبده تبلیغات تحریریه ایفاسی فائده لی کورولمش اولدینی تقدیرده التنجی ماده احکامندن بالاستفاده یکیدن بر مدت تعیینیه لوایح تعاطی ایتدیرلمسی موافق مصلحت کوریلور و مواد بسیطه دن ایسه همان اساس دعوى حقه ده جریان ایده جک مرافعه شفاهیه اوزرینه حکم وقراری ویریلور .

لایحه تعاطیسی دعوى وکیل معرفتیله اقامه و مرافعه اولنان دعاوى به مخصوص و برده طرفینک تنظیم لوایحه حائز اقتدار اولملرینه مصروف اولوب انحق طرفیندن برینک ویا هر ایکسینک دعوى وکیل اولمدینی وبالذات تبلیغات تحریریه ایفاسنده اقتدارلری بولونمدینی حالده مرافعه تحریریه اصولی لایحه تعاطیسی مقامنه قائم اولق اوزره ضبط دعوى اصوله منقلب اولور . بو تقدیرده مدعی دعوى استمدعاسیله محکمه یه مراجعت ایده جک و هیئت محکمه دن برینک نظارتی التده ضبط کابی معرفتیله دعواسی ایضاح وتفصیل ایدرک استناد ایتدیکی اوراق ثبوتیه یی تودیع ایلیه جکدر بو ضبطنامه و اوراق ثبوتیه نك صورتی مدعی علیه تبلیغ اولندقده مدعی علیه دخی عین صورته ضبط کاتبه مراجعت ایدرک مدافعه سی ضبط ایتدیره جک واستناد ایتدیکی صور ثبوتیه یی کذلک تودیع ایده جکدر . بونک مدعی یه تبلیغنده کذلک یه ضبط کاتبه مراجعتله مدافعه واقعیه یی رد و جرح ایده جک اسباب و احوالی درمیان ایله ضبط ایتدیره جک و بونک قارشى مدعی علیه دخی عین صورته جواب ویره جک . ر . لوایحک صورت ترتیبی و تنظیمنده واحتوا ایده جکی خصوصیات و کیفیات حقه ده یوقاروده ایضاح ایدیلان اصول وقواعد عینیه بو ضبط دعوى اصولنده دخی جاریدر .

تبلیغات تحریریه ده طرفینک ایکشمر دفعه اوراق ولوا یح ویا ضبط دعوى تعاطی ایتسی مطلق اولیوب دعوى پروزدن سالم وایلك دفعه تعاطی اولنان اوراق ایله بتون صفحاتی کافی درجه ده متوضیح کوریلور ایسه کرک محکمه طرفندن رأساً و کرک طرفینک بالاتفاق محکمه یه مراجعتله وقوعه بولان بیاناتی اوزرینه برنجی تبلیغات ایله اکتفا اولنسنه و مرافعه شفاهیه کیشیلمه سینه قرار ویریه بیلور . مدعی طرفندن ایفا ایدیلان تبلیغات تحریریه اوزرینه معین اولان مدت ظرفنده مدعی علیه لایحه جوابیه ویرمدیکی تقدیرده مدعی لاجل المرافعه خصمنی محکمه یه دعوت ایتدیرر . مدعی علیه دعوت واقعیه اجابت ایتدیکی تقدیرده حکم غیابی فصلنه توفیقاً محاکمه سی رؤیت اولنور . اجابت ایتدیکی تقدیرده بالذات کیش ولایحه اعطاسنه عديم الاقترار بولونمش اولدینی حالده آنفاً بیان ایدلیکی وجه ایله هیئت حاکمه دن برینک نظارتی تحتنده مدافعاتی ضبط کاتبه ضبط ایتدیرر و مدافعات ضبط اولندقدن صوکره مدعی ایسترسه درحال محاکمه یه شروع اولنور و ایسترسه ضبط دعواى تبلیغ ایدرک کندیسى ده یا لایحه اعطاسیله ویا افاده سی ضبط ایتدیرمک صورته جواب ویرمک اوزره مهل آلیر . مدعی علیه بالذات کلیوبده وکیل کوندردیکی تقدیرده وکیلک همه حال لایحه یی اوکون محکمه یه اعطا ایتسی اقتضا ایدر . وکیل طرفندن اوکون لایحه ویرلمدیکی ویا خود مدعی علیه بالذات کیش اولوبده افاده سی ضبط ایتدیرمکدن امتناع ایدلیکی تقدیرده متمدرد عد اولنهرق کذلک محاکمه غیاباً رؤیت اولنور .

طرفین مرافعه شفاهیه یه دخول ایتزدن ازل هیئت محکمه جه دوسیه ده مرتب اولان اوراق ولوا یح وصور ثبوتیه نك تدقیق ومطالعه اولونمسی لازمدر . بو صورته هیئت حاکمه دعوانک بتون صفحاته اطلاع پیدا ایدرک وهانکی مسئله رک حل لازم کله جکی نظرلنده تعین ایدرک محاکمه یه شروع ایدلمش اوله جقدر .

انسانى محاکمه اوراق قرائتى طرفیندن برینک طلب ایتسینه ویا محکمه جه لزوم و احتیاج کورولمسنه متوققدر . طرفین مرافعه تحریریه ایضاح ایدیلن اصول وقواعد توفیقاً مدعیات ومدافعانه بولنه جقدر . فقط ایکیش دفعه حق کلامی حائز اولملری قاعده سی مطلق و قطعی الیوب دعوانک ایجابنه وحل اولنه جق مسئله لک اهمیتنه کوره محکمه طرفیندن حق کلام تزئید اولنه بیلور . رئیس محکمه ویا رئیسدن مأذونیت استحصال شرطیله اعضادن هر بری مبهم کوردکلری ویاخود مسئله نك حله فائده لی عدایتکلری تقاطی طرفیندن استیضاح ایده بیله جکلردر . و بو استیضاحات ائسانسده اصل حل اولنه جق مسئله نك تعینی ایچون طرفیندن ایراد مطالعات اولنق دخی جائزدر . ضبط کاتبی محاکمه حاضر بولنه جق و طرفینک افاداندن تبلیغات تحریریه ده مسبوق اولیان قسمی ایله اقرار ویا دعواندن فراغت کبی ذات حکمه مؤثر اوله جق بیاناتی رئیس محکمه نك امر و اخطار یله ضبط ایده جک ونهایت محاکمه ختام ویریله رک ضبطنامه قرائت اولنوب طرفینه تصدیق ایتدیر یله جکلدر .

طرفین تبلیغات تحریریه ائسانسده خصمنه تبلیغ ایتدیرمدیکی اوراق ثبوتیه یی مرافعه شفاهی ائسانسده ابراز ایده من . و ابراز ایتدیکى تقدیرده محکمه طرفیندن قبول اولنه من . شو قدر که اشو اوراق اولجه تبلیغ ایدلمه سی بر عذر صحیحدن نشأت ایتدیکنه ویا اوراق مذکوره او صرده کندی یدنده بولنه مامق ویا بر دائره رسمیده بولونق کبی تبلیغی امکان دائره سنده اولدیغنه ویا مرور زمان ادعاسندن ویا حاصل دعوانی انکاردن طولانی اوراق تبلیغنه محل کوریه مدیکنه محکمه جه قناعت حاصل اولورسه قبول اولنور . و بویه بر حالد محکمه طرفیندن عدم قبوله قرار ویرلمش اولسه دخی استینافاً بوجهت موضوع بحث ایدیله رک محکمه استینافه ابراز اولنه بیلیر .

دعوی و دفع دعوی ضمیمه درمیان اولنان مطالبات قطعاً قابل تزئید دکلدر . انجق قابل تنقیص و تعدیلدر . مثلاً یوزلیرا دعوی ایدلمش ایکن بوطلب یوز یکرمی لیرایه ابلاغ اولنه ماز . فقط ائناى مرافعه ده سکسان لیرایه تنقیص و تنزیل اولنه بیلور . ویاخود عینیتدن برشی دعوی ایدلمکده ایکن مسئله اولدیغی آکلاشیله رق قیمت دعوی ایدلمک صورتیله تعدیل ایدیه بیلیر .

برده دعواى اصلیه ضمیمه ضرر و زیان ویاخود دعوی عرفی ناریخندن نتیجه حکمه قدر مرور ایدن ایام فاضلی کبی خصوصات فرعاً طلب ایدیه بیلیر و هیئت مجموعه سنه بردن حکم اولنق لازم کلیر .

بوصورتله مرافعه شفاهی دخی اکمال ایدلدکن صکره هیئت مذاکره او طه سنه چکیلور و بر دعوانک محاکمه سی ختام بولدفندن صکره مذاکره سی هیچ بر بهانه ایله اون کوندن زیاده امتداد ایده من . اتخاذ اولنه جق قرار دعوانک شکل و ماهیتنه و مدعیات ومدافعات واعتراضاتک نوع ودرجه سنه کوره فقرات متعدده یی محتوی اوله جق ایسه ده هر حاله قرارلر تعدد ایتیه جکلدر . مثلاً مدعی علیه شویه بر سبب درمیانیله وظیفه

اعتراضنده بولنمش ایسه ده شو بولده کی اسباب قانونیه بناءً اعتراض مذکورک وارد اولدیغنه وایکنجی درجه ده شو بولده بر اعتراض درمیان ایش ایسه ده بو اعتراض دخی شو سبب قانونی ایله بجاکورولدیکنه وسائره وسائریه منی شو صورتله حکم وقرار ویرلدى « دنیه جکلدر . انجق اساسه کیریشمسکسزین اعترا ضات ابتدائیه دن دعوانک ردی اقتضا ایتدیکى تقدیرده مسئله نك ایلرولریغی تعمیقه لزوم و محل کورمیه رک اونقطه دن دعوانی رد ایده جکلدر . برده اساسه حکم اعطاسی بهمه حال کشف و معاینه واهل خبره تدقیقاتی ورؤیت محاسبه کبی بر قرار اعدادیه ویا توجیه ینین کبی بر قرار قرینه یه لزوم و احتیاج کوسترن مسائلده ایکی قرار اتخاذی تجویز اولمشدر .

قرارلرک بو فقرات متعدده سنده مدعیات ومدافعاتک رد ویا قبولی ایجاب ایتدیرن علل واسباب قانونیه کوستریله جک واستناد ایدیلان مواد قانونیه ارايه اولنه جقدر . قرارلر رئیس ویا اعضاى محکمه دن بری طرفیندن قلمه آله جق وزیر هیئت محکمه طرفیندن امضا اولنه جقدر . و مخالف اعضاوارایسه اسباب مخالفتی خطه دستیله یازیلوب امضا ایدیه جکلدر . بوصورتله تحریر و امضا ایدلمه مش اولان قرارلرک اتخاذ و تفهیمندن طولانی هیئت محکمه حقتده معامله انتباهیه اجرا ایدیه جکلدر .

بو وجهله محاکمه سی اجرا وقراری تفهیم اولنان دعاوییه متعلق اعلامات یالکز فقرات حکمیه یی متضمن اوله جق و آنجق مقدمه سنده اعلامی اعطایدن محکمه نك عنوانیله طرفینک و وکیللرینک اسم وشهرت وصنعت وتابعیت ومحل اقامتلى ودعوانک خلاصه سیله تعاطی اولنان اوراقک ماهیتلى وامضا وتاریخاری ومدعی عمومى استماع اولنمش ایسه خلاصه مطالعاتی کوستریله جک ومرافعاتک اقسام سائره سی اعلامه کیریلیه جکلدر . طرفینک یکدیگره تبلیغ ایده جکلری اوراق ولوايح كافة مدعیات ومدافعاتی جامع اوله جفته وبونلرک برر صورت مصدقه سی دخی زدرلنده محفوظ بولنه جفته منی صادر اولان حکم وقراره عدم قناعتله استیناف دعوی ایتک ایستیان طرف بو اوراق مبلغه صورتلریغی اعلامه ربط ایله محکمه استینافه تقدیم ایده جک ومحکمه استیناف دخی بونلری تدقیق ایله اوراق مذکوره کی مدعیات ومدافعانه قارشى اعلامک فقره حکمیه سنده کی اصابت وعدم اصابتی تقدیر ایدیه جکلدر .

محاکماتک شو طرز بسیطه فراغ ایدلمسندن طولانی اعلاماتک تنظیمی پک زیاده کسب سهولت ایش اوله جغندن تاریخ تفهیم حکمدن اعتباراً ایکی هفته ظرفنده بهمه حال محکمه دن اعلام صدور ایش اوله جقدر .

معاملات غیاییه دأر

فصل ثالث، معاملات غیاییه ده بعض ارفق تعدیلاتی محتویدر که اوده وکیل مسخر اصولنک الغابی ومدت اعتراضک اون بش کونه تنزیلدر . برده اعلامات غیاییه ده مدت اعتراضک مرورینه انتظار اولنیه رق اعلامات وجاهیه کبی لازم الاجرا عد ایدلمش ایسه ده انجق اعتراض وقوعی اثبات ایده جک هر هانکی بر

وثيقة قانونیه ابراز اولندینی حالدہ اجرا تأخیر اولنه جقدر . فقط اجرای موقتی محتوی اولان اعلامات بو تأخیر اجرادن مستنادر .

تعديلات واقعدهن بری ده اعلامات غیاییه علیهنه ویریله جک اعتراض علی الحکم عر ضحالی اعلامی اصدار ایدن محکمه یه ویریله بیله جکی کبی محکوم علیک بولندینی محل محکمه سنه دخی ویریله بیله جک و عر ضحالی اوراده قیسی تاریخی مدت اعتراض ظرفده ویریلوب ویرلیدیکنک حساب و تدقیقنه اساس اوله جقدر . اعتراض علی الحکم عر ضحالی اعلامی اعطا ایدن محکمه دن غیری بر محکمه یه ویرلش اولدینی حالدہ او محکمه عر ضحالی قید ایدره ک اوراق متفرعه سی و خرج رسومیله برابر در حال حکمی ویرن محکمه یه ارسال ایلده جقدر . مدت اعتراضک اون بش کونه تنزیلنه مقابل اعتراض علی الحکم استدعاسی کرک اعلامی اصدار ایدن محکمه یه وکرک غیری بر محکمه یه ویرلسون معترضک اقامت ایتدیکی محل ویا قریه اعتراض استدعاسک ویرلیدیکی محکمه دن الی ساعته قدر بعید اولدینی تقدیرده بهر الی ساعت ایچون مدت اعتراضه برکون ضم اولنه جقدر . مثلاً اعتراض استدعاسی ویریله جک قضا مرکزندن معترضک اقامت ایتدیکی قریه اوچ ویا بش ویا الی ساعت مسافه اوزاق ایسه بومسافه ایچون مدت اعتراضه برکون ضم اولنه رق اون الی کون ظرفده معترضک حق اعتراضی اوله جق و بالعکس یدی ویا سکز ساعت مسافده ایسه الی ساعتدن زیاده اولان مسافه ایچون نهایت اون ایکی ساعته قدر ینه برکون ضم اولنه جقدر .

معترضک اعتراض استدعاسی قبول اولنه سیلمک ایچون اعتراض استدعاسیله برابر لایحه متقابله سی واوراق ثبوتیه سی محکمه قلمنه تودیع ایدره ک تبلیغات تحریریه ایفاسنه مباشرت الیسی لازمدر . انجق اعتراض استدعاسی تفصیلات وایضاحات لازمه یی جامع اوله رق کافه مدافعاتی محتوی اولور ایسه ایلجه اعطاسنه حاجت کورولمز .

محاکمات غیاییه وکیل مسخر اصولک الغاسندن حاصل اوله جق نتایج مدعی علیک بلکده استعمال ایتک ایسته میه جکی بعض حقوقک وکیل مسخر طرفندن استعمالیله کرک مدعی به بالانزوم ابراث ایدیلان صعوبت و مشکلاتک وکرک مدعی علیک نفس دعوی ایله تحمل ایتدیکی بعض کلفت و مصارفک بلاسبب کندیسنه تحمیل ایدلسنک برطرف اولنمیدر . مثلاً ابراز اولنان برسنده قارشی مدعی علیه حاضر بولندینی تقدیرده سنده کی خط و ختمی انکار ایتیه جکی محتمل ایکن غیاباً رؤیت اولنان دعاویده وکیل مسخرک محضاً دعوائی انکار صدندن سنک خط و ختمی دخی انکار ایله اهل خبره تدقیقانه حواله کیفیت ایتدیرمی هم مدعی ایچون استیفای حق امرنده بالانزوم احداث مشکلاتدن هم ده مدعی علیه ایچون خط و ختمک ثبوتیه لحوق ایدره جک حکمه برده کندی فعل و حرکتدن خارج ورضا و موافقتنه مخالف اوله رق اهل خبره مصارفک انضمامیله برکلفت زائده تحمیلندن بشقه برشی دکلدی . وکیل مسخر استخدامک الغاسیله بوکلفت زائده محل قالمش ایسه ده دعوانک صورت رؤیت و محاکمه سنده اصلا برتغیر و حوده کتیرله مشدر . یعنی بردعوانک

حکمه اقتراعی ایچون اقتضا ایدن بالجمله اسباب قانونیه تحری و تدقیق اولونمق اصولی محفوظدر . شو حالدہ غیاباً رؤیتنه مباشرت ایدیلان بردعوانده شرائط صحت دعوی آرانیه جکی کبی مدعینک بینه سی استماع واوراق ثبوتیه و دلائل قانونیه سی تدقیق اوله رق دعوائی واقعده ک ثبوت صحتی و اسباب حکمک موجودتی حالدده حکم غیابی اعطا قلمه جق و هیچ بر حالده «اعتراض وقوعنده اثبات ایدلمک اوزره» حکم اعطاسی جائز اولمه جقدر . انجق مدعی اثبات مدعاند عاجز اولدینی بیان ایدوبده ویا خود استناد ایدلیدی اوراق و دلائل حکمه کافی کوریله میوبده مدعی علیه یمین تکلیف ایلک طلبنده بولنورسه یا لکیز بوقدیرده «مدعی علیه یمیندن نکوانه تعلیقاً» اعطای حکم اولنه جقدر .

احکام غیاییه علیهنه اعتراض وقوعنده دخی مجرد اعتراض علی الحکم استدعاسک مدت و شرائط قانونیه دائره سنده اعطا ایدلمش اولمندن طولانی اعلام غیایینک کأن لم یکن عد اولنسی جائز اولیوب اعتراضاً جریان ایدره جک مرافعات و محاکمات درمیان ایدیله جک مدافعاته و نتیجه تدقیقانه کوره اعلام مذکور فسخ اولنق ویا حکمک تعدیل ویا خود تصدیق اقتضا ایتدیکی تقدیرده تعدیل ویا تصدیق ایدلمک لازمه دندر .

استینافه دار

استیناف فصلنده تعدیل ایدیلان نقاطدن بری مدت استینافیه ک اتوز برکونه تنزیلدر . بوکا مقابل مستأنفک بولوندینی محل ایله استیناف محکمه سنک بولوندینی محل اره سنده کی بعدیته نظراً بهر آتی ساعته قدر مسافه ایچون برکون ضم و علاوه اولنور و استیناف عر ضحالی مطلقاً استیناف محکمه سنه ویرلک لازم کلمیوب مستأنفک اقامت ایتدیکی محل محکمه سنه دخی ویریله بیلور بوقدیرده مستأنفک اقامت کاهی بر قریه ده اولوبده تابع اولدینی قضا محکمه سنندن دخی بر مسافه معینه بعدیتی حائر ایسه کذلک الی ساعته قدر مدت ایچون مدت استینافه برکون ضم ایدیلور . استیناف استدعاسی محکمه استینافک غیری بر محکمه یه ویرلش ایسه او محکمه استدعایی قید ایدره ک در حال اوراق متفرعه سی و خرج و رسومیله محکمه استینافه ارسال ایدر .

شرائط استینافیه بحثنده کفالت سندی یرینه محکمه ججه تقدیر اولنه حق برمعین مبلغ دیپوزیتو ایتک ویا مستأنفک عهده تصرفنده بولنان ویا خود ارنأ انتقال ایدوب هنوز معامله انتقالیه سی اجرا قلمش اولان اموال غیر منقوله اوزرینه حجز وضعی صورتیله تأمینات اعطا ایتک صورتلری دخی قبول اولمشدر .

استیناف استدعاسی محکمه استینافک غیری بر محکمه یه ویرلش اولوبده او محکمه دیپوزیتو ایدیله جک اچمه مقدارینی نا کافی بر درجه ده تقدیر ایش ایسه مستأنف علیک استیناف محکمه سنده بوکا اعتراض ایتک و بو مبلغی غیر کافی عد ایلک صلاحیتی واردر . استیناف محکمه سی بوا اعتراض اوزرینه مسئله یی تدقیق ایدره ک حقیقه تأمینات اچمه سی نا کافی عد ایدره جک اولور ایسه لاجل الا کمال مستأنفه اون بش کونی تجاوز ایتمه ک اوزره بر مهل اعطا ایدره ک تأمیناتی ا کال ایتدیره جک و مستأنف بومدت ظرفده محکمه نک قرارینی انفاذ ایتمه مش اولور ایسه استیناف استدعاسی رد اولنه جقدر .

فصل مذکورده الك مهم تعديلات محاکمة استینافیه نك صورت رؤیتیدر . مستأنف استیناف استدعاسنه ولائحه استینافیه سنه اعلام ابتدائی ايله بدایه تعاطی اولنان اوراق ولوايح وصور ثبوتیه ویاخود دعوی ودفع دعوی ضبطنامه لری صور مصدقه سنی ربط ايله محکمه به تودیع ایده جك ومحکمه دخی کافي السباق استیناف استدعاسی ولائحه استینافیه ايله کفالت ویا دیپوزیتو اچمه سی اوراقی مستأنف علیه تبلیغ ایلجه جکدر . مستأنف علیه استدعا ولائحه استینافیه به قارشی جواب لایحه سی اعطا ایده جك وبوصورتله محاکمة شفاهیة استینافیه به شروع اولنه جکدر . بومحاکمة نتیجه سنده استیناف محکمه سی اعلام ابتدائی اصول و اساس نقطه نظرندن موافق قانون کوردیکی تقدیرده اولباده کی اعتراضات واسباب استینافیه نك برربرر اجوبه ردیه سی ایراد اولنه رق یعنی حکم ابتدائی به قارشی هر نه نقطه دن تعرض ایدلمش ایسه بونلر اسباب موجبه قانونیه ایرادیه رد ایدیلهرک اعلام ابتدائی بی تصدیق ایده جك وبالعکس شکلا واساماً بعض نواقص وخطیئات موجود اولدینی تقدیرده قاعده سابقه دائره سنده اولا اعلام مذکورک فسخی وبعده دعوانك استینافاً رؤیت وتدقیق ایجاب ایتیموب بو نواقص وخطیئاتی کمال واصلاح ایتدکن صوکره نواقص وخطیئات مذکورک ذات حکمه تأثیری اولمش ایسه حکمی اصلاح ایده جك وذات حکمه مؤثر اولمامش وحکم نتیجه اعتباریه موافق قانون بولنش ایسه کذلک اعلام ابتدائی بی تصدیق ایلجه جکدر .

نتیجه محاکمة استینافیه ده اعلام ابتدائی علیه واقع اولان تعرضاتک ماهیتی تمامیه تعیین ایتدکن صوکره محکمه اعطا ایده جکی قرارده «اعلام مستأنف بهده شویله برخطا شویله بر نقصان اختیار ایدلمش اولدیغندن اعلام مذکورک فسخته» قرار ویرمیوب انحق «اعلام مستأنف بهده شویله برخطا ویا شویله بر نقصان اختیار ایدلمش اولدیغندن بوخطا ویا نقصانک اصلاح واکانه» قرار ویره جك وازجمله برحکک کشفی اقتضا ایدرکن ایدلماش ویا کشف اصولنه ترفیق اولنمامش و طرفیندن برینه عین توجیهی اقتضا ایدرکن توجیه ایدلماش ومحتاج اثبات اولان بعض جهات حقنده دلائل قانونیه استحصال اولنمامش اولدیغنی کوردیکی تقدیرده کشفی اجرا ایتدیرمک ویمینی ویردیرمک و ابراز واقعه اولنه حق دلائل ویناتی تدقیق واستماع ایلک صورتلریله مقتضیات قانونیه سی اجرا ایلدکن وایش حکمه صالح اوله حق درجه ده تدقیقانه اقتران ایتدیرلکن صوکره محاکمة نك ختامی تفهیم اولنوب اتخاذ اولنه حق صوکره قرارده اصلاح واکال اولنان جهتلر نتیجه حکمه غیر مؤثر اولمش وحکم هر حالده موافق قانون بولنش ایسه «اصلاح واکالی قرارگیر اولان شو وشو جهتلرک مقتضیات قانونیه سنك ایفاندن حاصل اولان نتیجه ذات حکمه مؤثر اولمامش وحکم مذکور نتیجه سی اعتباریه موافق قانون بولنش اولدیغندن تصدیقنه قرار ویرلدی» دینه جك وبالعکس ذات حکمه مؤثر اولمش وحکمک تعدیل وتغییرینی ایجاب ایتدیره جك نایج الیه ایدلمش ایسه «اصلاح واکال اولنان شو وشو نقطه ل ذات حکمک شو نقطه سنده تعبداتی وتغییراتی موجب اولدیغندن حکم مذکورک شو صورتله تعدیلنه (ویاخود فسخیله شویله شویله اولسنه) قرار ویرلدی» ذیلجه جکدر .

شوقدرکه بدایت اعلامنده دعوی اساسه کیریشلمکسزین رد اولنش ویاخود محکمه خلاف صلاحیت حکم وقرار ویرمش بولنورسه استیناف محکمه سی دعوانی عائد اولدینی محکمه به کوندره جکدر . شویله که بدایه دعوی عدم صلاحیت درمیانیله رد ایدلمش ویا اساسه کیریشلمکسزین خصوصت توجه ایتیه جکندن ویا مرور زماندن بحث ايله رد اولنش بولندینی حالده محکمة استیناف اعلامی فسخ ایتدیکی تقدیرده اساسه حکم ویرمک اوزره محکمة بدایتیه اعاده ایده جك وکذلک بدایت محکمه سنك حکمی صلاحیت خارجنده ویرمش اولدیغنی کوردیکی تقدیرده اساسه حکم ویرمش اولسه دخی خلاف صلاحیت ویرمش اولدینی ایچون محکمة استیناف اساسی رؤیت ایتیه رک اعلامی بالفسخ ایشی عائد اولدینی محکمه به ارسال ایده جکدر .

اعلامات غیاییه نك مدت اعتراض ظرفنده استینافی دخی تجویز ایدلمش اولدیغنه کوره بویولده صدور ایدن اعلامنده طرفین متعدد اولوبده ویا حکم واعلام طرفین ایچون قناعت بخش اولوبده برطرفدن اعتراض و دیگر طرفدن استیناف ایدلمش اولدینی کلاشلدیغنی تقدیرده اعتراض طریق ابتداء حق مدافعه نك استعمالنه تعلق اعتباریه ده طبیعی ودها اساسی بر طریق قانونی اولمق ومحکمة استینافک ویره جکی حکم ايله بدایت محکمه سنك اعتراض اوزرینه اعطا ایده جکی حکم آره سنده اختلاف وتباین حصولیه یکیدن اعلام ابتدائی استیناف اولنمق وسأره کبی رجوق محاذیر تولندن توقی ایچون محکمة استینافیه رؤیت دعوی محاکمة اعتراضیه نك نتیجه سنه تعلیق ایدلمسی موافق اولور .

اعاده محاکمه دأر

اصول محاکمة حقوقیه قانوننك اعاده محاکمة فصلت اسباب اعاده دن اولمق اوزره کوستردیکی مواددن اکثریسی مسائل اصولیه وقانونیه دن اولمق اعتباریه تدقیق وفصلی استیناف وتمیز محکمه لرینه عائد اولدینی حالده برده طرق فوق العاده قانونیه دن اولان اعاده محاکمه به سبب اولسی تجویز ایدلمدیکندن بوفصله عائد اولان تعدیلاتده مسائل اصولیه واساسیه طی اولنوب انحق اسباب اعاده برمحکمه دن یکدیگرینه مباین ایکی اعلام ویرلمسی وخصم طرفندن ظهور ایش وحکمه تأثیری اولمش برحیله وقوع بولسی وحکمه اساس اتخاذ اولنان سنك ساخته لکی ثابت اولسی وخصم طرفندن کتم ایدلمش ویا ایتدیرلمش اولوب حکمه مدار اوله حق بعض اوراق ظهور ایلسی کبی صرف محاکمة اولیه ده محسوس اولیان وغیر مأمول ومتنظر بولنان احواله حصر ایدلمشدر . بومیانده اعاده محاکمة مدتی استیناف ایچون تعیین ایدیلان مدته تنزیل ایدلمش وحیله وساخته لک واوراق مکتومه ظهوری حالنده بومدت حیلنك وساخته لکک تحقیق واوراق مکتومه نك ظهوری تاریخندن اعتبار اولنه جنی وبویله بر حالده اعلام محکمة تمیزدن مصدق اولسه دخی اعاده محاکمة استدعاسنك قبول ایدیلجه جکی تصریح اولنشدر .

تمییزه دأر

تمییز فصلنده کی تعدیلات محکمة تمییزده دعوانك علناً رؤیت اولنسی وتصحیح قرار اصولنك الفا ایدلمسیدر .

شوقدركه محكمه تمیزده علناً رؤیت ایدیه جك دعوايه طرفینك دعوت ایدلمسی ایچون بونلردن برینك استدعاسنده ویا لایحه سنده محكمه به جلب ودعوت ایدلملری طلب اولنق شرطدر . ومحكمه تمیزدن وقوعبولان دعوته اجابت ایدلمدیکی ویا طلب وقوعبولامسندن طولای اساساً محكمه به دعوت اولنمدیغی حالده بیله صادر اولان مقررات ناقابل تعرض وقضیه محكمه قوتندهدر . هیچ برصورتله تصحیح قرار طلب اولنه ماز .

تعیین مربع ونقل دعوايه دأر

تدبیرات واقعه میاننده ایکی محكمه بیننده ایجابی ویا سلبی اختلاف وقوعی تقدیرده نه صورتله تعیین مرجع ایدیه جکی صراحةً ارأه قلمش اولدینی کی اسباب قانونیه دن ناشی محكمه نك تشكلی قابل اوله مامق ویا بر دعوانك بر محكمه ده رؤیتی آسایش مملکتی اخلال احتمالی بولنق حاللرنده ده نقل دعوی طریق کشتاد ایدلمشدر .

مواد متفرقه دأر

بومیانده بعض مرتبه مشکلات حدوتنه سببیت ویرمکده اولان متفرق بعض مواد اصلاح واکال اولنقش واز جمله برینك محکومیتله دیگرینك برائی قابل توفیق اولیه جق درجه ده بینلرنده ارتباط قانونی بولنسان متعدد اشخاص محکومه دن ولو بالکیز برینك عین محکوم بهدن برائی حقتنده استحصال ایتدیکی اعلام حکمنندن دیگر محکومینك دخی مستفید اولسی قاعده سی تأسیس ایدلمشدر . مثلاً بر مورثک دینندن طولای ورثه علینه استحصال اولنان اعلام ورثه دن یالکیز بری طرفندن استیناف ایدیلوبده دیگرلری حقتنده کسب قطعیت ایتش اولسه دخی اثنای محاکمه استینافیه ده مورثک دینی ایفا ایتدیکنك تحققتدن طولای وارث مستأنفك برائنه قرار ویرلش اولسه بو قرارك دیگر ورثیه ده شمول وتأثیری اوله جفی کی اصل ایله کفیل حقتنده صادر اولان اعلام بریسی حقتنده کسب قطعیت ایتش اولسه دخی دیگر طرفندن استیناف ایدیلوبده دینك ایفاسندن ناشی برائی تحققی ایتدیکی تقدیرده بوبابده صدور ایدیه جك اعلام حکمنندن استیناف ایتمه مش اولان طرف دخی بالطبع مستفید اوله جقدر .

بو فصلده لك زیاده جالب دقت اولسی لازمکن مواددن بری ده محاکم ابتدائیه واستینافیه وتمیزیه ده محاکمه به ختام ویریلوبده مذاکره سی وقت آخره تعلیق اولنسان هر نوع مصالحده تسهیل مذاکره ایچون هیئندن برینك تقریر تنظیمنه مجبور اولمیسدر . شویله که بوضورتله مذاکره سی يوم آخره تعلیق اولنسان دعوالرك دوسیه لری رئیس دخی داخل اولدینی حالده محكمه هیئتی بیننده تقسیم اولنوب هر بر دوسیه هیئتدن برذات معرفیه سراپا تدقیق وتعمیق اولنه جق وبونك اوزرینه ذات دعوی ایله اولبابده جریان ایدن مدعیات ومدافعاتك روح واساسلرینك اوراق متعلقه سنده تکرار مراجعت کلفتندن هیئتی وارسته قیله جق تفصیلات

وايضاحاتی جامع اوله رق بر خلاصه سی یا پیلمقله برابر بو مدعیات ومدافعانه قارشی نه یولده برقرار اتخاذ اولنق لازم که جکینی واتخاذ اولنه جق قرارك اسباب موجب قانونیه سی نه دن عبارت بولنه جفی متضمن بر تقریر تنظیمیه امضا تحتنده هیئته تودیع اولنه جقدر . هیئت محكمه به اثنای مذاکره ده بوتقریر قرائت اوله رق ولدی الحاحه بعض نقاط حقتنده ده زیاده ایضاحانه دسترس اولق ویاخود ده زیاده وثوقه اقتران ایتك لازم کلدیکی حالده اوراق متعلقه سنده ده مراجعتله صفحات دعوی حقتنده یکی باشند تمامیه اطلاع پیدا ایدلکدن صکره نتیجه قرار اتخاذ ایدیه جقدر .

بوتقریر قطعاً طرفین حضورنده قرائت ایدلیه جکی کی اعلامه دخی درج ایدلیوب انحق دوسیه میاننده محفوظ قاله جقدر .

اشبو تقریرك تنظیمندن مقصد هیئت محكمه نك اوراق دعوائی یکی باشند تدقیق وتعمیق ایدره ك اجرای مذاکره مباشرت ایتش اولدیغك دلیل فعلیسی کوسترلمکدن عبارت اولوب حالبوکه بر دعوانك محاکمه سی ختام بولور بولماز قراری درحال اعطا اولنق اوزره مذاکره به مباشرت ایدلیدیکی تقدیرده هیئت محكمه به طرفینك مدعیات ومدافعائی هنوز استماع ایدیلره ك ذهندن تباعد ایدیه جك قدر زمان کچمه مش ومدعیات ومدافعات مذکورده نك تأثیری باقی بولنقش اوله جقتدن بویله بر حالده تقریر تنظیمنه احتیاج کورله مشدر .

ضامه

نظارتك شو ایضاحاتی اعطادن مقصدی اثنای تطبیقاده ظهوری دائرة امکانده اولوب شمیدین کشف وتخمینی قابل اولمان بعض نوع مشکلاتی حل ورفع ایتك اولیوب انحق قانونك تعقیب ایتدیکی غایه یینه قانونك خطوط اساسیه سی دائره سنده ارأه واطهار ایله ده سریع وسهیل برصورتده حقه اقترانی استلزام ایدیه جك طریق کوسترلمکدن عبارت اولمقله محكمه لرك براز آثار دقت واهتمام ابراز ایتسیله مقصد قانونك حصول بولش اوله جفی وآتیا پیدرپی ظهور ایدیه بیله جك مسائل مشکله نك دخی محكمه تمیزك اجتهادات قانونیه سیله حل ایدیه جکی وارسته اشتباه اولمقله اولوجهله حسن ایفای وظیفه به دقت واهتمام اولنسی منتظر در .

اشبو ایضاحنامه به مربوط نمونه لر

اساس دعوی عرضحالی نمونه سی

درسعادت بدایت حقوق محكمه سی ریاست علیه سنده

مرعی تبعه عثمانیه دن ... شهرده ... سوقاقده ... نومرولی خانه ده مقیم زیرده واضع الامضا (اسم وشهرت وصنعت)

مرعی علیه تبعه عثمانیه دن ... شهرده ... سوقاقده ... نومرولی خانه ده مقیم (اسم وشهرت وصنعت)

بهرت دعوى ... تاريخن اعتباراً بر سینه ختامنده سنوی یوزده طقوز فائضیه ادا اولمق اوزره مدعى عليه یتش (۷۰) لیرای عثمانی قرضاً ویردم و مقابله بر قطعه سند آلم سندك وعدہ سی انقضا ایتدیكى حالده مدعى عليه مارالذكر مبلغ مستقرضك رأس المالى و گذشته سنی تأدیهدن امتناع ایتمكده در .

اسباب بُوتیه دعوائى مدعى عليه طرفندن مضى ... تاريخلى و غیرضحاله مربوط ... نومرولى بر قطعه سنده بنا ایتمكده یم .

نتیجه مطلوباتم اولاً سندك حاوی اولدینی یتش (۷۰) لیرا رأس المالك ثانیاً سنوی یوزده طقوز حایله استدعا تاریخنه قدر ایشلمش و حین تأدییه قدر ایشلیه چك فائضك ثالثاً وقوعه بوجه حق مصارف محاکمه و ایفا اولته جق اجرت و كالتك مدعى عليهدن تحصیله حکم ویرلمسنى طلب واستدعا ایدرم .

بناءً علیه اصول محاکمه حقوقیه ذیلنك دردنجی ماده سی موجبجه مدعى عليه طرفندن نهایت اون کون ظرفنده لایحه جوابیه سی اعطا و مدافعتنك دلائل و بیناتی تشکیل ایدن اوراق ایله صورتلری و مفردات پوصله سی محکمه قلمنه تودیع اولمق اوزره اشبور ضحاله واکا مربوط بر قطعه مارالذكر سندك و مربوط لایحه ایله مفردات پوصله سنك اصللری محکمه قلمنده بالحفظ برر قطعه صورتلرنك مدعى عليه تبلیغه مقام ریاست علیه لرندن امر و تنبیه بیورلمسنى طلب واستدعا ایلرم .

فی اغستوس سنه ۳۲۷

اغستوس سنه بیک اوچیوز یکریمی یدی مدعى

تبعه عثمانیه دن .. شهرده .. سوقا قده

نومرولى خانه ده مقیم (اسم و شهرت و صنعت)

امضا

اساس دعوى عرضحالى ظرینه محکمه رئیسى طرفنده باریدرمس امرنامه نمونہ سی اشبور ضحاله ایله .. قطعه اوراق مربوطه سنك اصللری قلمده حفظ اولمق اوزره بر قطعه مصدق صورتلرنك ذیلک دردنجی ماده سنه توفیقاً مباشری معرفتیه مدعى عليه تبلیغی

رئیس محکمه

امضا

اغستوس سنه ۳۲۷

اغستوس سنه بیک اوچیوز یکریمی یدی محکمه مهری

دعوى عرضحالیه مربوط لایحه نمونہ سی

در سعادت بدایت حقوق محکمه سی ریاست علیه سنه

محکمه علیه لرینه تقدیم اولنان اغستوس سنه ۳۲۷ ... اغستوس بیک اوچیوز یکریمی یدی تاریخلى عرضحالیه مربوط لایحه در.

مدعى تبعه عثمانیه دن ... شهرده ... سوقا قده ... نومرولى خانه ده مقیم زیرده واضع الامضا (اسم و شهرت و صنعت)

مدعى عليه تبعه عثمانیه دن ... شهرده ... سوقا قده ... نومرولى خانه ده مقیم (اسم و شهرت و صنعت)

مسائل ماریه مدعى عليه بندن (۷۰) لیرا استقراض و سنوی یوزده طقوزدن فائض تأدییه سنی تعهد ایدوب ایتدیكى خصوصلرندن عبارتدر .

اسباب بُوتیه مدعى عليه بنندن یتش لیرا استقراض ایتدیكى و سنوی یوزده طقوزدن فائض تأدییه ایده چکی مدعى عليه امضاسنی حاوی اوله رق محکمه علیه لرینه مربوطاً تقدیم ایلدیکم بر قطعه سندله اثبات ایتمكده یم مدعى عليه امضاسنی انکار ایدرسه تدقیق خط و خاتم ایچون میزله حواله سنی طلب و نتیجه تدقیقاتده امضا مدعى عليه اولدینی تحقّق ایده مدیکی تقدیرده سندك زیرنده کی امضاتك کندو طرفندن موضوع اولدیغنه یمین تکلیف ایدرم .

مسئله قانونیه مدعى عليه مبرز سندده کی امضا ویا مهرینی حاوی اقرار بالکتابه سیله الزام و مصارف محاکمه ایله اجرت و کالتی تأدییه محکرم ایدلوب ایدلیه چکی خصوصلرندن عبارتدر .

ادله قانونیه مجله نك ۱۶۰۶ نجی ماده سیله آنی ولی ایدن موادك و اصول محاکمه حقوقیه نك ۷۱ نجی ماده سنك احکام صریحه سنه توفیقاً مدعى عليه سند مبرزده کی اقرار بالکتابه سیله الزام اولنه چنی شبهه دن وارسته در مدعى عليه فائض مشروطی تأدییه مجبوری مرتبجه نظامنامه سیله اصول محاکمه حقوقیه نك ۱۱۲ نجی و حقسنز چیقان طرفك مصارف محاکمه ایله اجرت و کالتی تأدییه مجبوری اصول محاکمه نك ۱۲۸ نجی و دعوى وکیللری حقنده کی نظامنامه نك ۲۱ نجی ماده لرنده مصرحدر .

نتیجه مطالبات اسباب معروضیه مبنی مربوط اغستوس ۳۲۷ ، اغستوس بیک اوچیوز یکریمی یدی تاریخلى اساس دعوى عرضحالیه عرض و تعداد ایلدیکم اوچ قلم مطالباتی اشبور لایحه مله دخی تأیید و تکریر ایدرم .

مدعى

امضا

اغستوس سنه بیک اوچیوز یکریمی یدی

دعوى عرضحالیه مربوط مفردات پوصله سی نمونہ سی

در سعادت بدایت حقوق محکمه سی ریاست علیه سنه

محکمه علیه لرینه مدعى ... طرفندن مدعى علیه ... علیه تقدیم قلنان ... اغستوس بیک اوچیوز یکریمی یدی تاریخلى دعوى عرضحالیه مربوط مفردات پوصله سپدر .

نومرو	۱	اساس دعوی عرضحالی
"	۲	مصدق وکالتنامه
"	۳	قرض سندی
"	۴	لایحه
"	۵	مفردات پوصله سی

تایخ مدعی
... امضا

مرعینک اساس دعوی عرضحالیه مربوط لایحه سی جواب لایحه سی نمونہ سی

درسمعات بدایت حقوق محکمه سی ریاست علیہ سنہ

مدعی ... نک طلبیله محکمه علیہ لرندن طرفه مباشر معرفتیه ... تاریخنده تبلیغ قلنان ... تاریخی
لایحه جواب لایحه مدر.

مدعی تبعه عثمانیه دن ... شهرده ... سوقاقد ... نومرولی خانه ده مقیم (اسم و شهرت و صنعت)
مدعی علیہ تبعه عثمانیه دن ... شهرده ... سوقاقد ... نومرولی خانه ده مقیم زیرده صاحب
امضا (اسم و شهرت و صنعت)

مسائل ماریه اولاً مبرز یتیم لیرالق سند زیرنده کی امضا بنمدر بوسند مقابلنده مدعینک ادعا ایتدیک
کی یتیم لیرا آلیوب یالکز آلمش لیرا الدم ثانیاً مدعینک امریله بعض ایشلری تسویه ایلدیکم جهتله اولجه
تعهد ایتدیک وجه اوزره واقع اولان خدمتمه منابل مبرز سندده مشروط اولان یوزده طقوز فائضی یوزده
بشه تنزیل ایتدی.

اسباب ثبوتیه اولاً سندده رأس المال اوله رق کوستریلان یتیم لیرانک اون ایراسی حقنده کی اقرار
بالکتابه مدعه کاذب اولدیغمه مدعی به یمین تکلیف ایدرم ثانیاً سند مذکورده مشروط فائضک اولجه واقع
اولان تعهدی موجبجه خدمات مسبوکه مک اجرتی اوله رق تنزیلنه موافقت ایتش اولدیغی مدعینک امضانی
حاوی اوله رق مربوطاً محکمه علیہ لرینه تقدیم ایلدیکم برقطعه مکتوبده (حواله ایتدیکم ایشده کوستردیکمز
جدیت و فعالیتدن وعفت واستقامتدن زیاده سیله خوشنود اولدم بروجه بشین ایریجه ویردیکم اجرتدن بشقه
بینمزده مشروط اولدیغی وجه اوزره یتیم لیرالق سندده کی یوزده طقوز فائضی یوزده بشه تنزیل ایتدم
انشاء وعده سنک انقضاسنده رأس المال ایله گذشته سی ایفا ایدرسکمز) دیو محرر اولان فقره ایله اثبات
ایتمکده یم مدعی امضانی انکار ایدرسه تدقیق خط وخاتم ایچون میزله حواله سنی طلب ونتیجه تدقیقاده

امضا مدعی علیک اولدیغی تحق ایده مدیکی تقدیرده مکتوب زیرنده کی امضانک کندو طرفندن موضوع
اولدیغنه یمین تکلیف ایدرم.

مسائل قانونیه اولاً مدعی طرفندن مبرز سندده محرر یتیم لیرادن اون ایراسی حقنده کی اقرارمدعه کاذب
اولدیغمه دائر مدعی به یمین تکلیفنه حقم اولوب اولدیغی ثانیاً سندده مشروط یوزده طقوز فائضنک
یوزده بشه تنزیل ایتدیکنه دائر مدعینک مکتوبنده کی اقرار بالکتابه سیله الزام اولنوب اولنه میه جنی
ثالثاً مدعی دعواسنک بو ایکی قسمنده حقسنز چیتدیغی تقدیرده مصارف محاکمه و اجرت وکالت منفرداً
بندمی یوقسه مشترکاً هر ایکی طرفدنی اخذ و استیفا اولنق لازمکدیک خصوصی لرندن عبارتدر.

اولاً قانونیه اولاً بجله نک ۱۵۸۹ نجی ماده سنه توفیقاً برکیمسه اقرارنده کاذب اولدیغی ادعا ایدرسه
مقرله انک کاذب دکل ایدوکنه تحلیف اولنور دیو مصرح اولسنه کوره بن دخی اون لیرا حقنده کی اقرار
بالکتابه مدعه کاذب اولدیغمه مدعی بی تحلیفه حقم واردر.

ثانیاً بجله نک ۱۶۰۶ نجی ماده سیله آنی ولی ایدن موادک و اصول محاکمه حقوقیه نک ۷۱ نجی ماده سنک احکام
صریح سنه توفیقاً مدعی علیک طرفندن مبرز برقطعه مکتوبنده کی اقرار بالکتابه سیله الزام اولنه جنی نمایاندر.

ثالثاً اصول محاکمه حقوقیه نک ۱۳۸ نجی ماده سنده دعوانک برقسمنده مدعی و دیگر قسمنده مدعی علیہ
حقسنز چیتقارسه مصارف محاکمه نک طرفندن مشترکاً اخذ و استیفا اولنه جنی مصر حدر بناء علیہ رأس المالك
اون لیراسی و فائضنک یوزده دردی حقنده کی ادعاسنده مدعی حقسنز چیتدیغی تقدیرده مصارف محاکمه ایله
اجرت وکالتک مشترکاً هر ایکمزدن آلمسی حکم قانون ایجابندنر.

تقریر مرافعانم اولاً رأس المال اوله رق بندن طلب اولنان یتیم لیرادن یالکز آلمش لیراسنک طرفندن
تأدیسنه ثانیاً یالکز آلمش لیرایه یوزده بشدن فائض یوریدلمسنه ثالثاً مصارف محاکمه و اجرت وکالتک
مشترکاً هر ایکی طرفندن اخذ و استیفا اولسنه حکم ویرلمسی مدافعه طلب و استدعا ایدرم

بناء علیہ اصول محاکمه حقوقیه ذیلنک دردنجی ماده سی موجبجه مدعی طرفندن نهایت سکمز کون
ظرفنده لایحه جوابیه سی اعطا و مدعیاننک دلائل و بیناتی تشکیل ایدن اوراق ایله صورتلری و مفردات
پوصله سی محکمه قلمنه تودیع اولنق اوزره اشبو لایحه جوابیه مک واکا مربوط برقطعه مارالد کر مکتوب
ایله مفردات پوصله سنک اصللری محکمه قلمنده بالحفظ برر قطعه صورتلرنک مدعی علیہ تبلیغنه مقام ریاست
علیه لرندن امر و تنبیه بیورلمسی تمی ایدرم

اغستوس ۳۲۷
... اغستوس بیک اوچیوز یکریمی یدی
تبعه عثمانیه دن ... شهرده ... سوقاقد
... نومرولی خانه ده مقیم (اسم و شهرت و صنعت)
امضا

اساسى دعوى عرضخانه جواباً مدعى عليه لايحه جوابيه سي ظهره رئيس

طرفندى ياربى بهر امرنامه نمونه سيدر

اشبو لايحه ايله ... قطعه اوراق مربوطه - سنك اصلارى قلمده حفظ اولمق اوزره برر قطعه مصدق صورتلرينك ذيلك دردنجي ماده سنه توفيقاً مباشرى معرفيله مدعى به تبليغى
اغستوس ۳۲۷
رئيس محكمه
امضا
(محكمه مهرى)

(مدعى عليه لايحه جوابيه مربوط مفردات پوصله سي نمونه سي)

درسعادت بدايت حقوق محكمه سي رياست عليه سنه

مدعى ... نك عليه اقامه ايتديكى ... تاريخى دعوى عرضخانه قارشو محكمه عليه لرينه تقديم ايتديكم
لايحه جوابيه مربوط مفردات پوصله سيدر

- | | |
|---------|-----------------|
| نومرو ۱ | لايحه جوابيه |
| ۲ | مصدق وكالنامه |
| ۳ | برقطعه مكتوب |
| ۴ | مفردات پوصله سي |

(مدعى عليه لايحه جوابيه مربوطى طرفندى و بربره لايحه جوابى على الجواب لايحه سي نمونه سي)

درسعادت بدايت حقوق محكمه سي رياست عليه سنه

مدعى عليه ... نك طليله محكمه عليه لرندن طرفه مباشر معرفيله ... تاريخنده تبليغ اولنان ... تاريخى
لايحه جوابيه جواب على الجواب لايحه سيدر

مدعى تبعه عثمانيه دن ... شهرده ... سوقاقده ... نومرولى خانه ده مقيم زيرده صاحب امضا (اسم وشهرت وصنعت)

مدعى عليه تبعه عثمانيه دن ... شهرده ... سوقاقده ... نومرولى خانه ده مقيم (اسم وشهرت وصنعت)

مسائل ماديه مدعى عليه ... تاريخى جواب لايحه سنندن آكلاشلايغنه كوره بو دعوانك جهت
ماديه سي اولامبرز سننده مندرج یتش لیرانك اون ایراسی حقنده کی اقرار بالکتابه سننده مدعى عليه کاذب
اولوب اولمادینى ثانیاً سننده مشروط یوزده طقوز فائض یوزده بشه تنزیلی طرفندن صورت مطلقه ده می
یوقسه شرطه تعلیقاً تعهد ایدلیدی خصوصاً لرندن عبارتدر

اسباب ثبوت اولامدعى عليه بوبابده تکلیف ایتدیكى یمینی ادایه حاضر اولدیغ جهته اقرار بالکتابه سننده
کاذب اولمادینى یتش لیرانی تماماً آلمش اولدینى کسب ثبوت ایده جکدر ثانیاً مبرز مکتوبك امضاسی بنم
ایسه ده مکتوب مذکورک (حواله ایتدیکم ایشده کوستردیکنکز جدیت و فعالیتدن وعفت واستقامتدن
زیاده سیله خشنود اولدم بروجه پشین ایریجه و یردیکم اجرتدن بشقه ینمزده مشروط اولدینى وجه اوزره
یتش لیرالق سننده کی یوزده طقوز فائض یوزده بشه تنزیل ایتدم انشاه وعده سنك انقضاسنده رأس المال
وکدشته نی ایفا ایدر سکز) دیو محرر اولان فقره مفادندن منضم اولدینى وجه اوزره یوزده بشه تنزیله
دائر واقع اولان تعهدم مطلق اولیوب رأس المال ايله فائضك انقضای وعده ده تأدییه سی شرطه تعلیق قلمشدر
مدعى عليه بوشروطه مراعاة ایتدیكى تحت تصدیقنده در .

مسائل قانونیه : اولان انقضای وعده ده سنك تأدییه سی شرطه معلق اوله رق واقع اولان تعهدمه شرط
مذکور ثبوت بولمادینى حالده دخی الزام اولنوب اولنایه - غم ثانیاً مصارف محاکمه نك واجرت وكالتك منفرداً
مدعى علیه دمی یوقسه مشترکاً هراییکی طرفندى اخذ واستیفا اولنه جنی مسائلندن عبارتدر .

ادل قانونیه : اولامجله نك ۸۲ نجی و ۸۳ نجی ماده لری موجبجه بقدر الامکان شرطه مراعاة لازم
کلور و شرطك عدم ثبوتی عندنده اكا معلق اولان شیتك دخی عدم ثبوتی لازم کلور بنشاء علیه حلول
وعده ده دینی تأدییه ایتك شرطه مراعات ایتماش اولدینى ثابت اولان مدعى علیه شرط مذکوره تعلیق
قلنان تنزیل تعهدندن دخی استفاده ایده من ثانیاً دعوانك هر قسمنده حقلى چیقه جغ جهته مصارف محاکمه
واجرت وكالتك مدعى علیه دن اخذ واستیفا سی لزومی محتاج بیان دکدر .

نتیجه : مطروباتم اساس دعوى عرضخانه مدعى عليه لايحه جوابيه سي ظهره رئيس
اصول محاکمه حقوقیه ذیلک دردنجی ماده سی موجبجه مدعى علیه طرفندن نهایت سکز کون طرفنده لايحه
جوابیه سی اعطا و مدعیانك دلائل و بیناتی تشکیل ایدن اوراق ايله صورتلری و مفردات پوصله سی محكمه
قلمنه تودیع اولمق اوزره اشبو لايحه جوابیه مك و مربوط مفردات پوصله سنك اصلارى محكمه قلمنده بالحفظ
برر قطعه صورتلرينك مدعى عليه تبليغه مقام رياست عليه لرندن امر و تنبيه بيورلمسى تنى ایدرم .

مدعى

۱۱ ايلول سنه ۳۲۷

... ايلول بيك اوچيوز يكرمى یدی

تبعه عثمانیه دن ... شهرده ... سوقاقده ...

نومرولى خانه ده مقيم (اسم وشهرت وصنعت)

امضا

ملاحظه : اشبو لايحه نك دخی بوندن اول کوستریلان نمونه توفیقاً مدعى علیه تبليغى رئيس محكمه
طرفندن تحریراً امر اولنور کذلک مارالذکر نمونه توفیقاً مدعى بو لايحه سنه بر قطعه مفردات پوصله سی

دخی ربط ایتکه مجبوردر زیرا مفردات پوصله لری هرایکی طرفك تودیع ایتدیکی اورا قك ماهیت و گیتی اثباته مدار اوله جق ادله قانونیه دن معدوددر .

مرعینك جواب علی الجواب لایحه مرعی علیه جواب لایحه مرعی

در سعادت بدایت حقوق محکمه سی ریاست علیه سینه

مدعی ... نك طلبیه محکمه علیه لرندن طرفه مباشر معرفتیه ... تاریخنده تبلیغ قلنان ... تاریخلی لایحه جواب لایحه مدر .

مرعی تبعه عثمانیه دن ... شهرده ... سوقا قده ... نومرولی خانه ده مقیم (اسم و شهرت و صنعت)

مرعی علیه تبعه عثمانیه دن ... شهرده ... سوقا قده ... نومرولی خانه ده مقیم زیرده صاحب امضا (اسم و شهرت و صنعت)

مسائل مایه سندده کی یتش لیرانك اون لیراسی حقنده کی اقرارمده کاذب اولمدیغه دأثر تکلیف ایتدیکم یمنی ادایه حاضر اولدیغی مدعی در میان ایتش و ابراز ایتدیکم مکتوبک زیرنده کی امضاسنی اقرار ایتش اولدیغی جهتله یمن حضور محکمه ده ادا اولنق اوزره حل ایدیله جک یالکز بر مسئله مایه قالمشدر اوده فائضک یوزده بشه تنزیله دأثر اولان تعهدك انقضای وعده ده دینك تأدیسه سی شرطنه تعلیق ایدیلوب ایدلدیکی خصوصندن عبارتدر .

اشباب بویه مبرز مکتوبده (حواله ایتدیکم ایشده کوستردیککز جدیت و فعالیتدن وعفت واستقامتدن زیاده سیله خشنود اولدم بوجه یشین آریجه ویردیکم اجرتدن بشقه ینمزده مشروط اولدیغی وجهله یتش لیرالق سندده کی یوزده طقوز فائضی یوزده بشه تنزیل ایتدم ان شاه وعده نك انقضاسنده رأس المال ایله گذشته سی ایفا ایدرسکز) دیو محرر اولان فقره دن صورت واضح و قطعی ده اکلاشیلدیغی وجهله مدعی کندوسنه ایفا ایده جکم خدمت مقابلنده فائضی یوزده بشه تنزیل ایده جکنی اولجه تعهد ایتش ایدی و خدمتمدن خشنود اولدیغی جهتله واقع اولان تعهدینی بالانفاذ فائضی یوزده بشه تنزیل ایتش اولدیغی ماضی صیغه سیله علی الاطلاق بیان ایتشدر حلول وعده ده دینك طرفندن تأدیسه دنه دأثر یازدیغی فقره ایسه محضاً بر تمیندن عبارتدر .

مسائل قانونیه اولاً مدعینك تعهدی وجه اوزره فائضك یوزده بشه تنزیلی لازم کلوب کلیه جکی ثانیاً مصارف محاکمه نك منحصرأ بندنی یوقسه مشترکاً هرایکی طرفدنمی اخذ اولنق ایجاب ایده جکی خصوصلرندن عبارتدر .

اولاً قانونیه اولاً مدعینك تکلیف ایتدیکی خدماتی ایفا ایدر ایسه اجرت اوله رق سندده کی فائضك

یوزده بشه تنزیل ایده جکنی تعهد ایتش و بوشرطك تحقق ایتدیکنی یعنی خدمات مذکوریه ایفا ایتدیکنی حتی خشنود اولدیغی مدعی مکتوبنده اقرار و اعتراف و بوعهدی موجبیه فائضی یوزده بشه تنزیل ایتش اولدیغی صراحة بیان ایتشدر اصول محاکمه نك ۶۴ نجی ماده سی اقتضاسنجه قانوناً و نظاماً ممنوع و آداب عمومیه مغایر و آسایش عمومیه یی محل اولیان و شرائط قانونیه و نظامیه موافق اولان بوجکی تعهدات احکامی مرعی و معتبر اولق ایجاب ایدر انقضای وعده ده بدل سندك مع فائض تأدیله جکنه دأثر اولان فقره ایسه مدعی طرفندن صرف بر تمیندن عبارتدر که قانوناً هیچ بر حکمی افاده ایتیوب فائضك تنزیله متأثر اولان تعهد بر کونا تأثیری اوله ماز ثانیاً مدعی علیه دعواسنك بوقسمنده حقسن اولدیغندن اصول محاکمه حقوقیه نك ۱۳۸ نجی ماده سینه توفیقاً مصارف محاکمه و اجرت و کالتك مشترکاً هرایکی طرفندن اخذ استیفا سی اقتضا ایدر .

تتویمرافعاتم اولاً مدعی کندوسنه تکلیف ایتدیکم یمیندن نکول ایتدیکی حالده یالکز رأس المال ایتش لیرانك و یمنی ادا ایتدیکی حالده یتش لیرانك طرفندن تأدیسه سینه ثانیاً مبلغ محکوم به یوزده بشیدن فائض یوریدلسنه ثالثاً مصارف محاکمه و اجرت و کالتك مشترکاً هرایکی طرفندن تحصیلنه حکم اولنسنی طلب واستعا ایدرم .

بناءً علیه اشبو لایحه جوابیه مک واکا مربوط مفردات پوصله سنك اصللری محکمه قلمنده بالحفظ برر قطعاً صورتلرینك مدعی به تبلیغه مقام ریاست علیه لرندن امر و تنیه یورلسنی تمی ایدرم تاریخ

مدعی علیه

تبعه عثمانیه دن ... شهرده ... سوقا قده ...

نومرولی خانه ده مقیم (اسم و شهرت و صنعت)

امضا

ملاحظه : اشبو لایحه نك دخی بوندن اول کوستریلان نمونه توفیقاً مدعی به تبایغی رئیس محکمه طرفندن تحریرأ امر اولنور کذلک بالاده کی نمونه توفیقاً مدعی علیه بولایحه سینه بر قطعه مفردات پوصله سنی دخی ربط ایتکه مجبوردر .

بروجه بالا طرفین بنفرضه عرضحال و لایحه لرك تعاطیسمنه صکره اجرا قلمه جوه

محاکمه و ماهیه لرمنه تنظیمی اقتضا ایدر ضبط نامه نمونه سی

نام نامی حضرت ملکداری به اجرای محاکمه و اعطای حکم ایتک اوزره در سعادت بدایت حقوق محکمه سنك

ایلول سنہ ۱۳۲۷ (ایلول ۱۳۲۷ ... کونی ... ساعت ... ده ایاصوفیہ دہ دائرہ مخصوصہ سندہ انعقاد ایدن جلسہ سنک ضبطنامہ سیدر .

لہیت حکمہ رئیس اعضا اعضا [مدعی عمومی ...] ضبط کابی ...

مدعی تبعہ عثمانیہ دن شہرہ ... سوقاقدہ ... نومرولی خانہ دہ مقیم (اسم و شہرت و صنعت)

مدعی رکبلی تبعہ عثمانیہ دن شہرہ ... سوقاقدہ ... نومرولی خانہ دہ مقیم (اسم و شہرت و صنعت) ... تاریخی مصدق و کالتنامہ موجبہ

مدعی علیہ تبعہ عثمانیہ دن شہرہ ... سوقاقدہ ... نومرولی خانہ دہ مقیم (اسم و شہرت و صنعت)

مدعی علیہ رکبلی تبعہ عثمانیہ دن شہرہ ... سوقاقدہ ... نومرولی خانہ دہ مقیم (اسم و شہرت و صنعت)

و صنعت) ... تاریخی مصدق و کالتنامہ موجبہ

مدعینک اساس دعوی عرفیالی ...

مدعینک برنجی لایحہ سی

سا سنہ تاریخی و ... امضالی برقطعه سند

مدعی علیہک برنجی لایحہ جوابیہ سی

سا سنہ تاریخی ... امضالی برقطعه مکتوب

مدعینک جواب علی الجواب لایحہ سی ...

مدعی علیہک ایکنجی لایحہ جوابیہ سی ...

تکامل طرفین مدعی و مدعی علیہ و ہر ایک طرفک دعوی و کیلاری محکمہ دہ حاضر اولدقاری حالہ

علناً محاکمہ و جاہیہ لرینہ بدأ و مباشرتہ مقام ریاستدن طرفینہ آری آری ضرہ سیلہ سوز و یریلوب ہر ایک

طرف و کیلاری تعاطی اولان عرفیال و لایحہ لک مندرجاتی ایضاح و تفصیلدن صکرہ حضور محکمہ دہ شفاہاً

بیانات آئیہ دہ بولوندیار .

مدعی علیہ رکبلی مبرز سندہ کی یتیش لیرانی بالذات موکلہ و یرمش اولدیغہ و بونک اون لیراسی حقندہ کی

اقرارندہ موکلک کاذب اولدیغہ یمن ایدوب ایتیمہ جکینک مدعیدن سؤال اولمسنی رجایدرم .

مدعی سندک حین تنظیمندہ مدعی علیہ یتیش ایرا و یرمش ایسہ دہ انکار ایدیلان اون لیرا ایچون تکلیف

ایدیلان یمنی قبول ایتیم .

طرفینک تعاطی ایتدکاری لایحہ لر خارجندہ کی شو افادات و ایضاحات رئیس محکمہ نک امر و تقریریلہ

ضبط کابی طرفندن ضبطنامہ یہ درج و علناً قرائت و طرفینجہ تصدیق و رئیس محکمہ ایلہ اعضا لر طرفندن

امضا اولندقدن و ہر ایک طرف بو بابدہ بشقہ دیہ جکری اولمادیغنی اتیان ایتدکدنصکرہ محاکمہ لرینہ ختام

و یرلیدیکی علناً تفہیم اولنوب ایجابنک مذاکرہ سنہ بدأ و مباشرت قلندی .

مذاکرہ اول باول حل اولنہ جق مسائل مادیہ نک ماہیت و کمیٹی موقع مذاکرہ یہ وضع اولنوب اولاً

مبرز سندہ مندرج یتیش لیرادن اون لیراسی حقندہ کی اقرارندہ مدعی علیہک کاذب اولوب اولمادیغنی ثانیاً

سندہ مبرزہ کی یوزدہ طقوز فائضک یوزدہ بشہ تنزیلی صورت مطلقہ دہ می یوقسہ بدل سندک انقضای وعدہ دہ

تأدیہ سی شرطنہ عملیقائی مدعی طرفندن تعہد ایدلیدیکی خصوصاً لیرندن عبارت اولدیغنی ہیئت محکمہ جہ قرارلشد یرلدی .

اسباب مرہمہ اولاً سندہ مندرج یتیش لیرا رأس المال دن اون لیراسی حقندہ مدعی علیہک اقرارندہ کاذب

اولدیغنی مدعینک بو بابدہ کندیسنہ تکلیف اونان یمنی عدم قبول و نکوایلہ کسب ثبوت ایتشد . ثانیاً مبرز

مکتوبہ مندرج (حوالہ ایتدیکم ایسہ دہ کوستردیککز جدیت و فعالیتدن وعفت و استقامتدن زیادہ سیلہ

خشنود اولدم بروجہ پشین آریجہ و یردیکم اجرندن بشقہ بینزدہ مشروط اولدیغنی وجہ اوزرہ یتیش لیرالق

سندہ کی یوزدہ طقوز فائضی یوزدہ بشہ تنزیل ایتدم) دیو محرر اولان فقرہ دہ فائضک یوزدہ بشہ تنزیلنہ

دائر واقع اولان تعہد مطلق اولوب بو تعہدی تقیید و تعلیق ایدر ہیچ بر عبارت موجود اولمادیغنی و (انشاء

و وعدہ سنک انقضاسندہ رأس المال ایلہ گذشتہ سنی ایفا ایدرسکز) دیو مکتوب مذکورہ مندرج جملہ نک محضا

بر تمیندن عبارت اولق اوزرہ محرر ایدوکی فقرات مذکورہ نک مطالعہ سیلہ تحقیق ایتدی .

مارالذکر ایکی مسئلہ مادیہ نک حلندن صکرہ تدقیق لازم کان مسائل قانونیہ نک ماہیت و کمیٹی موقع

مذاکرہ یہ وضع اولنوب اولاً مدعی علیہک سند مبرزہ کی اقرار بالکتابہ سنہ توفیقاً یتیش لیرانی می یوقسہ

مدعی علیہک دفع دعواسی وجہلہ یالکز یتیش لیرانی می تأدیہ یہ محکوم اولمسی اقتضا ایتدیکی ثانیاً مدعی علیہک

سندہ مبرزہ کی تعہدی وجہلہ یوزدہ طقوزدنمی یوقسہ مدعینک مبرز مکتوبہ کی تعہدی وجہ ایلہ یوزدہ بشدنمی

فائض اعطاسنہ محکومیتی لازم کلہ جکی ثالثاً مدعینک ادعاسی وجہلہ مصارف محاکمہ و اجرت و کالتک منفرداً

مدعی علیہدنمی یوقسہ مشترکاً ہر ایک طرفندنمی اخذ و استیفا اولنہ جنی خصوصاً لیرندن عبارت ایدوکی ہیئت

محکمہ جہ قرارلشد یرلدی .

اسباب مرہمہ کرچہ مجلہ نک ۱۶۱۰ نجی مادہ سی موجبہ مدعی علیہ سند مبرزہ کی اقرار بالکتابہ سیلہ

الزام اولنہ جنی حکم قانون اقتضاسندن ایسہ دہ سندک حاوی اولدیغنی یتیش لیرادن اون لیراسی حقندہ کی

اقرارندہ کاذب اولدیغنی بروجہ بالا ثابت اولغلہ مجلہ نک ۱۶۳۲ نجی مادہ سی موجبہ مدعی علیہک ثابت اولان

دفع دعواسی وجہلہ یالکز یتیش لیرانک تأدیہ سنہ محکوم اولہ ییلور .

ثانیاً مدعی علیہک خدمات مسبوقہ سی مقابلندہ فائضک یوزدہ بشہ تنزیلنہ دائر مدعی طرفندن بروجہ

بالا صورت مطلقہ دہ وقوعبولان تعہدک مرعیتی اصول محاکمہ نک ۶۴ نجی مادہ نک احکام صریحہ سی اقتضاسندن

اولغلہ مدعی بو تعہدیلہ الزام اولنق ایجاب ایدر . مبرز مکتوبہ مندرج (انشاء و وعدہ سنک انقضاسندہ

رأس المال ایلہ گذشتہ سنی ایفا ایدرسکز) جملہ سی کی محضا تمیندن عبارت اولان سوزلر تعہد واقع حکمنی

اسقاط ایتک قوت و مزینتی حائر اولہ من . ثالثاً مدعی طلب ایتدیکی رأس المالاک اون لیراسی و فائضک یوزدہ

دردی حقنده کی قسملرده حقسنز چیقیدینی جهتله اصول محاکمه ۱۳۸ نجی ماده سنه توفیقاً مصارف محاکمه واجرت وکالت هرایکی طرفدن مشترکاً اخذ واستیفای اولمق اقتضا ایدر .

تقیه قرار اسباب موجب مذکوره مبنی اولاً سندک حاوی اولدینی یتیم لیرا رأس المالدن اون لیراسی حقنده کی مدعینک دعواسنک ردیله یالکیز التمش لیراسنک مدعی علیهدن تحصیل اولوب مدعی به اعطاسنه ثانیاً یوزده طقوز حسابیله ویرلسی مشروط اولان فائضک یوزده دردی حقنده کی مدعینک دعواسی رد اولوب التمش لیرا رأس الماله یالکیز یوزده بش حسابیله سندک انقضای وعده سی اولان ... تاریخدن اعتباراً حکم تاریخته قدر ایشلمش اولان لیرا یوز غروشدن ... غروشک وچین تأدیه سنه قدر ایشلیه جک فائضنک مدعی علیهدن تحصیلیه مدعی به اعطاسنه ثالثاً زیرده مفرداتی ویکونی محرر مصارف محاکمه واجرت وکالتک مشترکاً هرایکی طرفدن اخذ واستیفاسنه ... سنه ... آی ... کونده وجاهاً قابل استیناف اولمق اوزره بالاتفاق قرار ویریلوب ضبطنامه سی رئیس محکمه ایله اعضاء طرفندن بعدالامضا علناً تفهیم قلندی .

بروم به بالا طرفین بینده عرضحال و لایحه لیرک ناطقینده صکره اجرا قلمانه محاکمه رهاهیله رینی

در بریده قرار محتوی ضبطنامه اوزرین تنظیم قلمه من اعظم نمره سی

نام نامی حضرت حکمداری به اجرای محاکمه و اعطای حکمه مأذون در سعادت بدایت حقوق محکمه سنک ... شهر ... سنه ... کونی ... ساعت ... ایاصوفیه ده دانه مخصوصه سننده انعقاد ایدن جلسه سننده اعطا ایتدیک ایلام هیئت محکمه .

مرعی تبعه عثمانیه دن ... شهرده ... سوقاقد ... نومرولی خانه ده مقیم (اسم و شهرت و صنعت)
مرعی وکیل تبعه عثمانیه دن ... شهرده ... سوقاقد ... نومرولی خانه ده مقیم (اسم و شهرت و صنعت)
مرعی علیه تبعه عثمانیه دن ... شهرده ... سوقاقد ... نومرولی خانه ده مقیم (اسم و شهرت و صنعت)
مرعی علیه وکیل تبعه عثمانیه دن ... شهرده ... سوقاقد ... نومرولی خانه ده مقیم (اسم و شهرت و صنعت)
مخصوصه دعوی باسنده قرضاً ویرمش اولدینی یتیم لیرانک مع فائض و مصارف محاکمه تحصیل طلبندن عبارتدر .

مرعینک اساس دعوی عرضحالی

سا سنه تاریخلو ... امضالو بر قطعه سند .

مرعینک برنجی لایحه سی

مرعی علیه لیرک برنجی لایحه جوابی سی

..... تاریخلو امضالو بر قطعه مکتوب .

مرعینک هراب علی الجواب لایحه سی

مرعی علیه لیرک لایحه جوابی سی .

تشکیل طرفین مدعی و مدعی علیه و هرایکی طرفک وکیللری محکمه ده حاضر اولدقلری حالده علناً محاکمه وجاهیه لیرینه بدأ و مباشرتله مقام ریاستدن طرفینه آری آری صره سیله سوز ویریلوب هرایکی طرف وکیللری ناطق اولان عرضحال و لایحه لیرنک مندرجاتی ایضاح و تفصیلدن صکره حضور محکمه ده شفاهاً بیانات آتیه ی در میان ایشلردر .

مرعی علیه وکیل مبرز سننده کی یتیم لیرای بالذات موکله ویرمش اولدینه و بونک اون لیراسی حقنده کی اقرارنده موکک کاذب اولمادیغنه یمن ایدوب ایتیه جکینک مدعیدن سوال اولمق رجا ایدرم .

مرعی سند تنظیمنده بالذات مدعی علیه یتیم لیرا ویرمش ایسه ده انکار ایدیلان اون لیرا ایچون تکلیف اولان یمنی قبول ایتیم .

هرایکی طرف بشقه دیه جکلری اولمادیغنی بیان ایتدکن صکره محاکمه لیرینه ختام ویرلدیکی علناً تفهیم اولوب ایجابنک مذاکره سنه بدأ و مباشرت قلندی .

مذاکره اول بول حل اولنه جق مسائل مادیه نک ماهیت و کمی موقع مذاکره وضع اولوب اولاً مبرز سننده مندرج یتیم لیران اون لیراسی حقنده کی اقرارنده مدعی علیه کاذب اولوب اولمادیغنی ثانیاً سند مبرزده کی یوزده طقوز فائضک یوزده بشه تنزیاتی صورت مطلقه ده می یوقسه بدل سندک انقضای وعده ده تأدیه سی شرطنه تعلیقاً مدعی طرفندن تعهد ایدلدیکی خصوصاً صرلندن عبارت اولدینی هیئت محکمه جه قرارلشدیرلدی .

ایجاب برومیه اولاً سننده مندرج یتیم لیرا رأس المالدن اون لیراسی حقنده مدعی علیه اقرارنده کاذب اولدینی مدعینک بوباده کندیسنه تکلیف اولان یمنی عدم قبول و نکولیه کسب ثبوت ایتشددر . ثانیاً مبرز مکتوبده مندرج (حواله ایتدیکم ایشده کوستردیکیز جدیت و فعالیتدن وعفت واستقامتدن زیاده سیله خشنود اولدم بوجه پشین آریجه ویردیکم اجرتدن بشقه بینمزده مشروط اولدینی وجه اوزره یتیم لیرالقی سننده کی یوزده طقوز فائضی یوزده بشه تنزیل ایتیم) دیو محرر اولان فقره ده فائضک یوزده بشه تنزیله دائر واقع اولان تعهد مطلق اولوب بو تعهدی تقیید و تعلیق ایدر هیچ بر عباره موجود اولمادیغنی و (انشاء وعده سنک انقضاسنده رأس المال ایله گذشته سی ایفا ایدرسکیز) دیو مکتوب مذکورده مندرج جمله نک محضاً بر تمییدن عبارت اولمق ازره محرر ایدوکی فقرات مذکورده نک مطالعه سیله تحقیق ایتدی .

مارالذکر ایکی مسئله مادیه نک حلندن صکره تدقیقی لازم کلن مسائل قانونیه نک ماهیت و کمی موقع مذاکره وضع اولوب اولاً مدعی علیه سند مبرزده کی اقرار بالکتابه سنه توفیقاً یتیم لیرای می یوقسه

مدعی علیه دفع دعواسی وجهله یالکز التمش لیرانی می تأدیه محکوم اولمی اقتضا ایندیکی ثاباً مدعی علیه سند مبرزه کی تعهدی وجهله یوزده طقوزدنی یوقسه مدعینک مبرز مکتوبده کی تعهدی وجهله یوزده بشدنمی فائض اعطاسنه محکومیتی لازم کله جکی ثالثاً مدعینک ادعاسی وجهله مصارف محاکمه واجرت وکالتک منفرداً مدعی علیه دنی یوقسه مشترکاً هرایکی طرفدنی اخذ واستیفای اوله جفی خصوصاً لردن عبارت ایدوکی هیئت محکمه جه قرارلشدیرلدی .

اسباب مومیه کرچه مجله نك ۱۶۱۰ نجی ماده سی موجبجه مدعی علیه سند مبرزه کی اقرار بالکتابه سیله الزام اوله جفی حکم قانون اقتضاسندن ایسه ده سندک حاوی اولدینی یتمش لیرادن اون لیراسی حقنده کی اقرارنده کاذب اولدینی بوجه بالا ثابت اولمغه مجله نك ۱۶۳۲ نجی ماده سی موجبجه مدعی علیه ثابت اولان دفع دعواسی وجهله یالکز التمش لیرانک تأدیه سنه محکوم اوله بیلور .

ثانیاً مدعی علیه خدمات مسبوقه سی مقابله فائضک یوزده بشه تنزیه دایر مدعی طرفدن بوجه بالا صورت مطلقه ده وقوع اولان تعهدک مرعیتی اصول محاکمه نك ۶۴ نجی ماده سنک احکام صریحه سی اقتضاسندن اولمغه مدعی بو تعهدیه الزام اولمق ایجاب ایدر . مبرز مکتوبده مندرج (انشاء و عده سنک اقتضاسنده رأس المال ایله گذشته سی ایفا ایدرسکنز) جمله سی کبی محضاً تمیندن عبارت اولان سوزلر تعهد واقعک حکمنی اسقاط ایتک قوت و مزینتی حائز اوله من . ثالثاً مدعی طلب ایتدیکی رأس المالک اون لیراسی وفائضک یوزده دردی حقنده کی قسملرده حقسنز چیقدفنی جهته اصول محاکمه نك ۱۳۸ نجی ماده سنه توفیقاً مصارف محاکمه واجرت وکالت هرایکی طرفدن مشترکاً اخذ واستیفای اولمق اقتضا ایدر .

تقریر قرار اسباب موجبیه مذکوریه منی اوله سندک حاوی اولدینی یتمش لیرا رأس المالدن اون لیراسی حقنده کی مدعینک دعواسنک ردیه یالکز التمش لیرانک مدعی علیه دن تحصیل اولنوب مدعی به اعطاسنه ثانیاً یوزده طقوز حسابیه ویرلمی مشروط اولان فائضک یوزده دردی حقنده کی مدعینک دعواسی رد اولنوب آلتش لیرا رأس الماله یالکز یوزده بش حسابیه سندک اقتضای وعده سی اولان . . . تاریخدن اعتباراً حکم تاریخنه قدر ایشلمش اولان لیرا یوز غروشدن . . . غروشک و حین تأدیه سنه قدر ایشلمشک فائضک مدعی علیه دن تحصیلیه مدعی به اعطاسنه ثالثاً زیاده مفرداتی ویکونی محرر مصارف محاکمه واجرت وکالتک مشترکاً هرایکی طرفدن اخذ واستیفاسنه . . . سنه . . . آی . . . کونده وجاهاً قابل استیناف اولمق اوزره بالاتفاق قرار ویریلوب علناً تفهیم قلندی .

هر نوع اوراقک بالذات مبلغ البره تبلیغی مبین تنظیم قلمده مضبوط نمونسی
تبلیغی امر ایرمه محکمه ریسی . . . محل . . . محکمه سی (بدایت استیناف تمیز حقوق تجارت)

رئیسنک . . . تاریخی . . . امضای عرفحال (ویالایحه سائر) ظهرنده . . . تاریخی امر نامه سنه توفیقاً تبلیغی طلب ایرمه طرف تبعه عثمانیه دن . . . شهرده . . . سوقاقد . . . نومرولی خانه ده مقیم اسمی . . . شهرتی . . . صنعتی . . .

کنفرسنه تبلیغ اوله بر طرف تبعه عثمانیه دن . . . شهرده . . . سوقاقد . . . نومرولی خانه ده مقیم زیاده واضح الامضا اسمی . . . شهرتی . . . صنعتی

تبلیغی مأمور مباشر تبعه عثمانیه دن . . . شهرده . . . سوقاقد . . . نومرولی خانه ده مقیم زیره واضح الامضا اسمی . . . شهرتی . . .

تبلیغ اوله بر اوراق (۱) . . . تاریخی . . . امضای عرفحال (۲) . . . تاریخی . . . امضای لایحه (۳) . . . تاریخی . . . امضای . . . وکالتنامه جماعاً . . . قطعه اوراقک برر مصدق صورتلری

معامله تبلیغیه . . . سنه . . . آی . . . کون ساعت . . . ده بالاده کی . . . قطعه اوراقک مصدق صورتلری اقامتگاهنده ویاخود . . . محله بالذات مرقوم . . . ک شخیصنه تودیع ایتدم او دخی اوراق مذکوریه اخذ ایتدیکنی مبین شرکک زیری امضا ایتدی کذلک تبلیغی طلب ایدن . . . بدینه اشبو مضبوطه ک بر صورتی ویردم او دخی صورت مذکوریه الیغی مبین شرکک زیری امضا ایلدی وبوصورتله تنظیم اولان اشبو مضبوطه ک اصلی محکمه قلمنه تودیع ایتک اوزره نزد مدعه حفظ ایتدم .

بروجه بالا اشبو مضبوطه ک	بروجه بالا اشبو مضبوطه ک	مباشر
بر قطعه صورتی آلدیم	مذکور . . . قطعه اوراقی آلدیم	تاریخ (حروف ایل)
تاریخ (حروف ایل)	تاریخ (حروف ایل)	امضا . . .
امضا	امضا	

هر نوع اوراقک تبلیغ اوله جفی شخص بولنه میوب اقامتگاهنده عدلیسی افرادنده
برینه تبلیغ ایدر لیکنی مبین مضبوط نمونسی

تبلیغی امر ایرمه محکمه ریسی . . . محل . . . محکمه سی (بدایت استیناف تمیز حقوق تجارت)
رئیسنک . . . تاریخی . . . امضای عرفحال (ویالایحه سائر) ظهرنده . . . تاریخی امر نامه سنه توفیقاً تبلیغی طلب ایرمه طرف تبعه عثمانیه دن شهرده . . . سوقاقد . . . نومرولی خانه ده مقیم زیره واضح الامضا اسمی . . . شهرتی . . . صنعتی . . .

کنفرسنه تبلیغ اوله بر طرف تبعه عثمانیه دن . . . شهرده . . . سوقاقد . . . نومرولی خانه ده مقیم اسمی . . . شهرتی . . . صنعتی . . .

تبلیغه مأمور مباشر تبعه عثمانیه دن ... شهرده ... سوقاقده ... نومرولی خانه ده مقیم زیرده واضع الامضا
اسمی ... شهرتی ...

تبلیغ اولنه مور اوراق (۱) ... تاریخی ... امضالی عرضحال (۲) ... تاریخی ... امضالی وکالتنامه
(۳) ... تاریخی ... امضالی لایحه جمعاً ... قطعه اوراق برر مصدق صورتلری

معامله تبلیغیه ... سنه ... آی ... کون ساعت ... ده بالاده کی ... قطعه اوراق مصدق
صورتلری بروج بالا کندوسنه تبلیغ اولنه جق شخص بولنه میوب مرقومک عائله وافراندن و تبعه عثمانیه دن
اسمی ... شهرتی ... صنعتی ... ویشی ... اولدیقی بیان ایدن زیرده صاحب امضا آخر بر شخصه
تودیع ایتدم اودخی اوراق مذکورده ایخذ ایتدیکنی مین شرح زیری امضا ایتدی کذلک تبلیغی طلب
ایدن ... یدینه اشبو مضبطه نک بر صورتی ویردم اودخی صورت مذکورده ای آلدیقی مین شرح زیری
امضا ایلدی وبوصورتله تنظیم اولنان اشبو مضبطه نک اصلی محکمه قلمنه تودیع ایتک اوزره زدمده حفظ ایتدم

بروجه بالا اشبو مضبطه نک	بروجه بالا اشبو مضبطه ده	مباشر
بر صورتی آلدیم	مذکور ... قطعه اوراق آلدیم	تاریخ (حروف ایله)
تاریخ (حروف ایله)	تاریخ (حروف ایله)	امضا
امضا	امضا	

تبلیغ اولنه مور شخصک دعائوسی افرادنک تبلیغی لازمکارده اوراقی آلفهده امتناع ویاخورد مضبطه بی امضاده
استئناف ایتدکلری هاله هیئت اختیاریه اعضا بیلر برابر تنظیم قلمه مور مضبطه نمونه سیرر

تبلیغی امر ایرده محکمه رئیسی ... محل ... محکمه (بدایت استیناف تمیز حقوق تجارت) رئیسینک
... تاریخی ... امضالی عرضحال (ویا لایحه و سائر) ظهرنده ... تاریخی امر نامه سنه توفیقاً
تبلیغی طلب ایرده طرف تبعه عثمانیه دن ... شهرده ... سوقاقده ... نومرولی خانه ده مقیم اسمی ...
شهرتی ... صنعتی ...

کندوسنه تبلیغ اولنه مور طرف تبعه عثمانیه دن ... شهرده ... سوقاقده ... نومرولی خانه ده مقیم
اسمی ... شهرتی ... صنعتی ...

تبلیغه مأمور مباشر تبعه عثمانیه دن ... شهرده ... سوقاقده ... نومرولی خانه ده مقیم زیرده واضع الامضا
اسمی ... شهرتی ...

تبلیغ اولنه مور اوراق (۱) ... تاریخی ... امضالی عرضحال (۲) ... تاریخی ... امضالی وکالتنامه
(۳) ... تاریخی ... امضالی لایحه جمعاً ... قطعه اوراق برر مصدق صورتلری .

معامله تبلیغیه ... سنه ... آی ... کون ساعت ... ده بالاده کی ... قطعه اوراق مصدق صورتلری
بروجه بالا کندوسنه تبلیغ اولنه جق شخصه تودیع ایتک اوزره مرقومک اقامتگاهنه عزیمت ایتش ایسه مده کرک
مرقوم کرک عائله سی افرادی اوراق مذکورده ای آلفهده امتناع (ویا خود مضبطه بی امضادن استنکاف) ایتدکلری
جهتله مرقومک اقامتگاهی قریه سنک (ویا محله سنک) هیئت اختیاریه اعضا سندن و تبعه عثمانیه دن ... محله ده ...
نومرولی خانه ده مقیم زیرده واضع الامضا (اسمی ... شهرتی ... صنعتی ...) ایله برابر بتکرار اوراق مذکورده
ایخذ و مضبطه بی امضا ایتدکلری تکلیف ایتش ایسه کده بودفعه دخی استنکاف ایتدکلری جهتله اشبو مضبطه بی
بروجه بالا کندوسنه تبلیغ اولنه جق شخصک اقامتگاهی قپوسه الصاق ایتدک و هیئت اختیاریه اعضا سی اشبو
مضبطه نک صحت مندرجاتی تصدیقاً امضا ایتدیلر کذلک تبلیغی طلب ایدن طرفه اشبو مضبطه نک بر قطعه
صورتی ویردم اودخی آلدیقی مین شرح زیری امضا ایتدی وبوصورتله تنظیم قلمن مضبطه نک اصلی
و تبلیغ اولنه میان اوراقی محکمه قلمنه تودیع واعاده ایتک اوزره زدمده حفظ ایتدم .

اشبو مضبطه نک بر قطعه	اشبو مضبطه نک صحت مندرجاتی تصدیق ایدرز	مباشر
صورتی آلدیم	هیئت اختیاریه اعضا سندن	تاریخ (حروف ایله)
امضا	امضا	امضا
تاریخ (حروف ایله)	تاریخ (حروف ایله)	

تبلیغ اولنه مور شخصک دعائوسی افرادنک تبلیغی لازم کاره اوراقی آلفهده امتناع ویاخورد
مضبطه بی امضاده استئناف ایتدکلری و هیئت اختیاریه اعضا سی بولنه میبغی (ویا خود مباشر لک دعونه اجابت
ایتدکلری) هاله اک یقین ایکی قورمشو ایله برابر تنظیم قلمه مور مضبطه نمونه سیرر

تبلیغی امر ایرده محکمه رئیسی ... محل ... محکمه سی (بدایت استیناف تمیز حقوق تجارت) رئیسینک ...
تاریخی ... امضالی عرضحال (ویا لایحه و سائر) ظهرنده ... تاریخی امر نامه سنه توفیقاً .

تبلیغی طلب ایرده طرف تبعه عثمانیه دن ... شهرده ... سوقاقده ... نومرولی خانه ده مقیم اسمی ...
شهرتی ... صنعتی ...

کندوسنه تبلیغ اولنه مور طرف تبعه عثمانیه دن ... شهرده ... سوقاقده ... نومرولی خانه ده مقیم اسمی ...
شهرتی ... صنعتی ...

تبلیغه مأمور مباشر تبعه عثمانیه دن ... شهرده ... سوقاقده ... نومرولی خانه ده مقیم زیرده واضع الامضا
اسمی ... شهرتی ...

تبليغ اوله جوبه اوراقه (۱) ... تاريخي ... امضالي عرضحال (۲) ... تاريخي ... امضالي وكالتنامه
(۳) ... تاريخي ... امضالي ... لايحه جمعاً ... قطعه اوراق بر صورت مصدق لری .

معامله تبليغ ... سنه ... آی ... کون ساعت ... ده بالاده کی ... قطعه اوراق مصدق صورتلری
بروجه بالا کندوسنه تبليغ اوله جوبه شخصه توديع ايتمک اوزره مرقومك اقامتگاهنه عزيمت ايتمش ايسه مده
کرك مرقوم کرك عائله سی افرادی آلمقدن امتناع (وياخود مضبطه ي امضادن استنکاف) ايتدکاری و هيئت
اختياريه اعصاسی بولنه مديني (وياخود دعوتمه اجابت ايتدکاری) جهته مرقومك يقين قومشولردن وتبعه
عثمانيه دن ... محله ... نومرولی خانه ده مقیم زيرده واضع الامضا اسمی ... شهرتی ... صنعتی ... ايله برابر
بتکرار اوراق مذکورده ي اخذ ومضبطه ي امضا ايتلری تکليف ايتمش ايسه کده بودفعه دخی استنکاف
ايتدکاری جهته اشبو مضبطه ي بروجيه بالا کندوسنه تبليغ اوله جوبه شخصك اقامتگاهی قبوسنه الصاق
ايتدک وشهود مرقومه اشبو مضبطه نك صحت مندرجاتی تصديقاً امضا ايتديلر کذلک تبليغی طلب ايدن طرفه
مضبطه نك برقطعه صورتی و ردم واودخی آلدیغی مین شرحک زیری امضا ايتدی وبوصورتله تنظيم قلنان
مضبطه نك اصانی وتبليغ اوله میان اوراقی محکمه قلمنه توديع اعاده ايتمک اوزره نزدده حفظ ايتدم .

اشبو مضبطه نك برقطعه	اشبو مضبطه نك صحت مندرجاتی	مباشر
صورتی آلم	تصديق ايدرز	تاريخ (حروف ايله)
امضا	امضا	امضا
تاريخ (حروف ايله)	تاريخ (حروف ايله)	

تبليغ اوله جوبه شخصك وعائله سی افراديک تبليغی لازم کلن اوراقی المقدره امتناع وياخود مضبطه ي
امضاده استنکاف ايتدکاری و هيئت اختياريه اعصاسی وقومشولری دخی بولنه مديني وياخود مباشرک دعوتنه
اجابت ايتدکاری هالده رئيس محکمه اخبار کيفيتی منظمی ضبط ورقه سير :

تبليغی امر ايرده محکمه رئيسی ... محل ... محکمه سی (بدایت استيناف تمیز حقوق تجارت) رئيسک ...
تاريخی ... امضالی عرضحال (ويا ساثره) ظهرنده ... تاريخی امرنامه سنه توفيقاً .

تبليغی طلب ايرده طرف تبعه عثمانيه دن ... شهرده ... سوقاقده ... نومرولو خانه ده مقیم (اسم وشهرت
وصنعتی)

کندوسنه تبليغ اوله جوبه طرف تبعه عثمانيه دن ... شهرده ... سوقاقده ... نومرولو خانه ده مقیم
(اسم وشهرت وصنعتی)

تبليغی مأمور مباشر تبعه عثمانيه دن ... شهرده ... سوقاقده ... نومرولو خانه ده مقیم زيرده
واضع الامضا (اسم وشهرتی)

تبليغ اوله جوبه اوراقه (۱) ... تاريخي ... امضالي عرضحال (۲) ... تاريخي وكالتنامه (۳) ... تاريخي ...
امضالي لايحه که جمعاً ... قطعه اوراق بر صورت مصدق صورتلری

معامله تبليغ ... سنه ... آی ... کون ساعت ... ده بالاده کی ... قطعه اوراق مصدق صورتلری
بروجه بالا کندوسنه تبليغ اوله جوبه شخصه توديع ايتمک اوزره مرقومك اقامتگاهنه کيتمش ايسه مده کرك
مرقوم وکرك عائله سی افرادی المقصدن امتناع (وياخود مضبطه ي امضادن استنکاف) ايتدکاری و هيئت
اختياريه اعصاسی يقين قومشولری بولونه مديني (وياخود دعوتمه اجابت ايتدکاری) جهته معامله تبليغی
ايضا ايديله مدکدن بشقه شخص مرقومك اقامتگاهی قبوسنه مضبطه نك الصاقی معامله سی دخی اجرا ايديله مش
اولديغی متضمن اشبو ضبط ورقه سی بالتنظيم محکمه مذکورده رياسته تقديم اولندی.

امضا
تاريخ (حروف ايله)
مباشر

تبليغ اوله جوبه شخصك وعائله سی افراديک تبليغی لازم کلن اوراقی المقدره امتناع وياخود مضبطه ي
امضاده استنکاف ايتدکاری و هيئت اختياريه اعصاسی وياخود قومشولری دخی بولنه مديني وياخود مباشرک
دعوتنه اجابت ايتدکاری هالده رئيس محکمه نك رفيع ايرده هکی ايکی کشی ايرده برابر تنظيم قلنه جوبه مضبطه
نومر سير

تبليغی امر ايرده محکمه رئيسی ... محل ... محکمه سی (بدایت استيناف تمیز حقوق تجارت)
رئيسک ... تاريخی ... امضالی عرضحال (ويا لايحه وساثره) ظهرنده ... تاريخی امرنامه سنه توفيقاً
تبليغی طلب ايرده طرف تبعه عثمانيه دن ... شهرده ... سوقاقده ... نومرولو خانه ده مقیم اسمی ...
شهرتی ... صنعتی ...

کندوسنه تبليغ اوله جوبه طرف تبعه عثمانيه دن ... شهرده ... سوقاقده ... نومرولو خانه ده مقیم اسمی ...
شهرتی ... صنعتی ...

تبليغی مأمور مباشر تبعه عثمانيه دن ... شهرده ... سوقاقده ... نومرولو خانه ده مقیم زيرده واضع الامضا
اسمی ... شهرتی ...

تبليغ اوله جوبه اوراقه (۱) ... تاريخي ... امضالي عرضحال (۲) ... تاريخي وكالتنامه
(۳) ... تاريخي ... امضالي لايحه جمعاً ... قطعه اوراق بر صورت مصدق صورتلری

معامله تبلیغیه ... سنه ... آی ... کون ساعت ... ده بالاده کی ... قطعه اورا قک مصدق
صورتلری بیروجه بالا کندوسنه تبلیغ اولنه جق شخصه تودیع ایتک اوزره مرقومک اقامتگاهنه کیتمش
ایسه مده کرک مرقوم کرک عائله سی افرادی المقدن امتناع (و یا خود مضبطه بی امضادن استنکاف) ایتدکری
وهیئت اختیاریه اعضاسی و یقین قومشولری بولنه مدینی (و یا خود دعوتیه اجابت ایتدکری) جهته مقام
ریاستدن ترفیق ایدیلان تبعه عثمانیه دن ... شهرده ... سوقاقده ... نومرولی خانه ده مقیم زیرده واضع
الامضا اسمی ... شهرتی ... صنعتی ... وینه تبعه عثمانیه دن ... شهرده ... سوقاقده ... نومرولی
خانه ده مقیم زیرده واضع الامضا اسمی ... شهرتی ... صنعتی ... ایله برابر بتکرار اوراق مذکوریه
اخذ و مضبطه بی امضا ایتلری تکلیف ایتمش ایسه کده بودفعه دخی استنکاف ایتدکری جهته شبو مضبطه بی
بروجه بالا کندوسنه تبلیغ اولنه جق شخصک قبوسنه یابشد یردق و محکمه طرفندن ترفیق ایدیلان کسان
اشبو مضبطه نک صحت مندرجاتی تصدیقا امضا ایتدیلر کذلک تبلیغی طلب ایدن طرفه مضبطه نک برقطعه
صورتی و یردم اودخی آلدیغی مین شرحک زیری امضا ایتدی و بو صورتله تنظیم قلنان مضبطه نک اصلی
و تبلیغ اولنه میان اوراقی محکمه قلمنه تودیع واعاده ایتک اوزره نزدیده حفظ ایلدم .

اشبو مضبطه نک برقطعه صورتی آلدیم اشبو مضبطه نک صحت مندرجاتی بیان ایدرز مباشر
تاریخ (حروف ایله) تاریخ (حروف ایله) تاریخ (حروف ایله)
امضا امضا امضا امضا

عدلیه ومذاهب نظارتی نظامنامه داخلینده موجود

اوچ خطانک تصحیح جدولی

جریده عدلیه نک ۲۰۱۴ نجی صحیفه سنک یدنجی سطرینک نهایتنه دوغری « قانون مخصوصنک » دینه جک
برده « و بو قانون مخصوصنک » دینلمش اولغله « بو » کلمه سی فضله در .

جریده عدلیه نک ۲۰۱۷ نجی صحیفه سنده کی ۱۹ نجی ماده ده « بالترتیب » کلمه سی فضله در .

جریده عدلیه نک ۲۰۲۰ نجی صحیفه سنده کی ۳۹ نجی ماده نک صوک فقره سنده کی « تکرار » کلمه سی « تکرار »
اوله جقدر .

اعلان

طاشجیان متوفی سرکرانندی ورثه سنک ابراهیم شوکت افندی ذمتنده بک اوغلی بدایت محکمه سی ایکنجی حقوق دائره سنک اعلامی ایله محکوم به مطلوب سنک تأمین استیفاسی ضمتنده مدیون مومی الیهک عهده تصرفده اولوب تحت حجزه النان ارن کوینده صحرای جدید محله سنک ادهم افندی جاده سنده بیک اوچیوز یتیم سکر ذراع عرصه ده مبنی تحتانی فوقانی اون اوطنه و اوچ اوطنی جهانمای و مطبخ و حمام و چاشورلق و فوقنده ایکی اوطنی برباب آخوری و اشجار مثمره یی و قیو ایله یدیک اوچیوز اوتوز الی ذراع مقداری باغچه یی محتوی سکسان لیرا بدل ایجارلو برباب اخشاب کوشک بوکره لدی المزیاده اوتوز بیک غروش آتون ایچه بدل ایله طالبی عهده سنده تقرر ایدرک موقتاً قرارداده سی کشیده قلنمش اولدیغندن تاریخ اعلاندن اعتباراً اوتوز بر کون ظرفنده یوزده بش ضم ایله طالب اولانلرک یوزده اون نسبتده کی دیوزیتو ایچهلرینی استصحاباً دائره اجرایه مراجعت ایتملی و مدت مذ کوره ختامنه مصادف کله جک تموزک یکر می ایکنجی جمعه کونی الاتورقه ساعت درت بجق راده لرنده محلنده صوک مزایده علنیه سی اجرا وبعده دائره ده قرار داده قطعی سی کشیده اولنق اوزره املاک مذ کوره پیشگاهنه عزیمت ایده جک اولان مأموری مواجهه سنده حاضر بولنملری بک اوغلی اجرا دائره سنندن اعلان اولنور .

ثودوسک متوفی واسیل قبودان ذمتنده کی محکوم به مطلوب سنک استیفاسی چون مدیون متوفای مومی الیهک بیوکدره صاری یار یکی محله سنده کلیسا س. وقاغنده تحتانی و فوقانی یدی اوطنه و مطبخ ایله فوقنده کوشکی محتوی صرف ملک اون بش نومرولی خانه ده متصرف اولدینی نصف حصه شایعه سی لدی المزیاده اوچییک غروش آتون ایچه بدل ایله طالبی عهده سنده تقرر ایدرک موقتاً قرارداده سی کشیده قلنمش اولغله تاریخ اعلاندن اعتباراً اوتوز بر کون ظرفنده یوزده بش ضمیله طالب اولانلرک یوزده اون نسبتده کی پی ایچهلرینی استصحاباً دائره اجرایه مراجعت ایتملی و مدت مذ کوره نک ختامنه مصادف کله جک تموزک یکر می طقوزنجی جمعه کونی دخی ساعت درت قرارلرنده مذ کورخانه پیشگاهنه عزیمت ایده جک مأمور مخصوص مواجهه سنده حاضر بولنملری بک اوغلی اجرا دائره سنندن اعلان اولنور .

عبدی نادر بک فاطمه هاجر خانم ذمتنده محکوم به درت یوز عدد لیرای عثمانی مطلوب سنک استیفاسی ضمتنده فاتح جوارنده فرهاد اغا محله سنده زیرک جاده سنده کائن ایکییک اوچیوز یتیم طقوز ذراع عرصه ده

مبنی ارکک وقادینلره مخصوص دردر حلوت ویکرمی اوچر قورنلو مع کلحان اوطنلری و قرق چشمه صوبی چکر طولایی قیوی وایکی آخوری مشتمل ۷۸ و ۸۴ مقلوب نومرولو چنبلی حمام دیمکله معروف حمامک ملکینک ربی ایله کدکنک درت حصه دن بریق حصه سی و محل مذ کورده فرهاد اغا وقفندن یتیم درت نومرولو و یوز قرق ذراع عرصه ده مبنی تحتانی و فوقانی الی اوطنه و مطبخ و قیو ایله سکسان ذراع باغچه یی مشتمل شهری ایکیوز غروش بدل ایجاره متحمل برباب اخشاب خانک نصف حصه شایعه سی تحت حجزه آلدرمش اولغله تاریخ اعلاندن اعتباراً اون بش کون صکره بالمزایده فروخته تشبث اولنه جنی بک اوغلی اجرا دائره سنندن اعلان اولنور .

یوصفا کی افندیکنک متوفی یورکی قانغولی ذمتنده کی محکوم به مطلوب سنک استیفاسی ضمتنده مدیون مرقومک بیوکدره دره ایچنده لامیرینوس سوقاغنده ۸۵ و مکرر ۸۵ نومرولی اون ایکی دوم مقداری صرف ملک خراب باغ یریه خراب آخور و بر اوطنی بر باب خانه ده اون حصه اعتباریله متصرف اولدینی ایکی حصه سیله مدیون مرقومک متوفی پدری میخالدن انتقالاً متصرف اولدینی محل مذ کورده الما طانی سوقاغنده کائن صرف ملک سکر نومرولی و اوچ اوطنه و بر مطبخ و قیو و بر مقدار باغچه یی محتوی اخشاب برباب خانه ده کذلک اون حصه اعتباریله ایکی حصه سی تحت حجزه آلدرمش اولغله تاریخ اعلاندن اعتباراً اون بش کون صکره بالمزایده فروخته تشبث اولنه جنی بک اوغلی اجرا دائره سنندن اعلان اولنور .

پنایوط ولد دیمترینک استیفانوس پاسپالیدیس ذمتنده با اعلام غیر از استیفا آلاجنی اولان مبالغک تأمین استیفاسی ضمتنده قاضی قریه سنده بغداد جاده سنده وافع ایکی نومرولی اوتوز بش دوم سلطان محمود خان وقفندن بر قطعه بوستان کدکنک سکر سهم اعتباریله بر سهمک تکرار یوز سکسان سهم ترتیبیله مدیون مرقوم عهده سنده بولنان اون ایکی سهم حصه سی لیرا یوز غروش حسابیله بیک غروش آتون ایچه بدل ایله طالبی عهده سنده تقرر ایتمکله موقت قرار داده سی کشیده قلندیغندن تاریخ اعلاندن اعتباراً اوتوز بر کون ظرفنده لاقل یوزده بش ضمیله طالب اولانلرک یوزده اون نسبتده کی دیوزیتو ایچهلرینی مستصحباً اسکدار اجرا دائره سننه مراجعت ایتملی و مدت مذ کوره ختامنده یعنی شهر تموزک یکر می بشنجی بازار یرتسی کونی ساعت بش راده لرنده صوک مزایده علنیه سی اجرا وقرار داده قطعی سی کشیده قلنق اوزره مارالند کر املاک مذ کوره پیشگاهنده مأموری مواجهه سنده حاضر بولنملری اسکدار اجرا دائره سنندن اعلان اولنور .

سلطان احمدده آق بیق محله سنده ساکنه فاطمه خانمک چارشوی کیرده جواهر بدستانده متصرفه اولدینی الی نومرولی ایکی قات دولابک تخلیه سی حقنده مستأجری اولوب اقامتگاه یی مجهول بولنان ساعتی میقائل علینه اقامه ایلدیک تخلیه دعواسنک اجرای محاکمه سی اشبو تموزک اون دردنجی پنچشنبه کونی وسطی

ساعت و الاثورة بش بچق راده لرنده مقرر اولديغندن يوم و ساعت مذ كورده مرقوم ميقاتل بالذات كلدكي و طرفندن بر وكيل دخي كوندردمديكي حالده حقنده معامله غيايه اجرا قلنه جنفي اعلان اولنور .

بكهقوزده اتمكجي كينغورق اغانك درشلي قريه سنده بيكباشي زاده حقي افا ذمتنده كسب قطعت ايتش بر قطعه اعلام موجبنج. الاجني اولان مبالغ معلومه نك تايمين استيفاسي ضمننده پدري متوفي صالح افنديدن ارثاً انتقال ايده جك و مقدمه تحت حجزه آلمش اولان درشلي قريه سنك قره قولاق جاده سنده ۲۴ نومرولي ايكي بيك غروش قيمتلو و درت حصه اعتباريله بر طرفي ارنبود صالح چالينغي و بياقادر زاده بغچه سي وسقا باشي علي افندي تارلاسيه محدود بغچه وتارلانك بر حصه سي اجرا قلنان مزايده سنده اوچييك غروشه داي كينغورق افا عهده سنده تقرر ايتش و قرار داده وليه سي دخي مرقوم نامه كشيده قلنمش اولديغندن يوزده بش ضميله طالبي اولانلرك تاريخ اعلاندن اعتباراً اوتوز بركونه قدر بكهقوز بدايت محكمه سي اجرا دائره سنده مراجعت ايللري اعلان اولنور .

اذينه قضاسنك آق قريه سندن اسماعيل بهلوانك قريه مرقومه دن سنان اوغلي عمرو حاجي مصطفى زوجيه سي امينه ذمتنده آله جنبي اولان مبالغ معلومه نك تايمين استيفاسي ضمننده تحت حجزه آلتوب مزايده به وضع اولنان قريه مذ كوره نك چاملق موقعنده شرفاً مورمات قريه سي جاده سي غرباً مصطفى كريمه سي عايشه شمالاً قره بچاق مصطفى كريمه سي جنوباً قانجه باش اوغلي صالح ترلاريله محدود يكرمي دونم بر قطعه ترلانك سدس حصه سي اوچيوز وچقور ترلا موقعنده شرفاً افجان اوغلي قره علي ترلا سي غرباً يول شمالاً خندق جنوباً قوزلي اوغلي خليل ورته سي ترلاسيه محدود آلتى دونم بر قطعه ترلانك سدس حصه سي اللى غروشه طالبي عهده سنده تقرر ايدرك موقت قرار داده سي كشيده قلنديغندن تاريخ اعلاندن اوتوز بركون ظرفنده لاقل يوزده بش ضمله اشترايه طالب اولانلرك ودها زياده معلومات آلق ايتيانلرك اذينه قضاسي بدايت محكمه سي اجرا دائره سنده مراجعت ايتلري اعلان اولنور .

باب عالي جاده سنده بلا نومرو دكانده مقيم صراف صوا ارسلان اوغلنك اسكدارده طويغار تپه سنده خدمه حسين افنديك خانه سنده سا كن بولنان سابق معارف مفتلرندن عبدالاكاه افنديك حرمي صالحه خيره خانم ايله مخدومي سابق مركز ماموري افندي عليايرينه بيك اوچيوز آلمش غروش هربري مجموع ديندن مسئول اولمق اوزره اصالة وكفالة تحصيلنه دائر درسعادت بدايت محكمه سي ايكنجي حقوق دائره سندن استحصال ايلديكي ۷ حزيران سنه ۳۲۷ تاريخ ویدی يوز آلمش درت عدلی اعلام غياينك بر قطعه صورت مصدقه سي محكوم عليه مومي اليه احسان افندي ايله مزبورده صالحه خيره خانمك اقامتگاهلري مجهول اولمق

حصيله اصول محاكمه حقوقيه قانوننك يوز قرق طقوزنجي ماده سنده توقيفاً تبليغات مقامنه قائم اولمق اوزره محكمه ديوانخانه سنده تعليق قلنديني كبي كيفيتك غزنه لر ايله ده اعلانه ابتدار اولندي .

چارشوي كيرده قيوجيلرده قرق نومرولو دكانده مقبان اوستولاكي و شريكي نيغولا كينك عربكر فضاسنه تابع موطمور ناحيه سي مديري ايكن اليوم اقامتگاهي مجهول بولنان صدق افندي ذمتنده مجيديه اون طقوز غروش حسابيله الاجقلى اولان بيك يكرمي بش غروشك تحصيلي حقنده درسعادت بدايت محكمه سي ايكنجي حقوق دائره سندن استحصال ايلديكي اعلام غياينك بر قطعه صورت مصدقه سي محكمه ديوانخانه سنده تعليق اولنديني كبي تبليغ مقامنه قائم اولمق اوزره اصول محاكمه حقوقيه قانوننك ۱۴۹ نجی ماده سي موجبنجه كيفيتك اعلانه ابتدار قلندي .

استانبولده شهراميني قره غولي زقاغنده كي خانه سنده سا كن اداره مخصوصه مامورلرندن جميل افنديك باجحت شرعيه وكيل عمومي سي محمد طلعت بك جانبدن بك اوغلي بدايت محكمه سي برنجي حقوق دائره سنده اعطا اولنان عرفخالده موكلنك بشكطاشده اوزونجه اووده روم علي محله سنده ۲۴ نومرولي خانه ده سا كنه ايكن نقيب ايدن امينه زفوره خانم يندنه موجود مختلف الجنس يكرمي بر قلم اموال واشياسنك عينا استردادى ومستهلك ايسه لر قيمتلري اولان جمعاً بيك بشيوز اوتوز بش غروشك مدعى عليها دن مع مصارف محاكمه تحصيلي طلب اولنه رق اعلاناً وقوع بولان دعوته اجابت ايتيان مومي اليهانك غياينده سبق ايدن محاكمه نتيجه سنده مذكورالمقدار اموال واشيانك موجود ايسه عينا مدعى عليها دن بالاسترداد مدعى به تسليمه ومستهلك ايسه لر بيك بشيوز اوتوز بش غروشك بدلاً مزبورده دن تحصيلنه حكمي حاوي صادر اولان ۱۳ نيسان سنه ۳۲۷ تاريخي و ۱۷۵ عدلی اعلامك صورت مصدقه سي اصول محاكمه حقوقيه قانوننك يوز قرق طقوزنجي ماده سي حكمه توقيفاً تبليغ عدولمق اوزره محكمه ديوانخانه سنده تعليق اولنديني كبي اوراق حوادثه دخي اعلان كيفيته ابتدار قلندي .

ميخاليچ قصبه سنده مقيم سالما سلى ماردروس اوغلي متوفي كينغورقك باندردمه مقيم سرگز كريمه سي حروبيك خاتونه باندردمه محكمه شرعيه سندن معطى في ۲۵ جاذي الاخر سنه ۳۲۷ تاريخ وبشيوز يكرمي بش نومرولو بر قطعه اعلام موجبنجه محكوم اولديني يوز طقوز بچق عدليراي عثمانينك تايمين استيفاسي ضمننده تحت حجزه النان مديون متوفانك ميخاليچ قصبه سنك حفا فلر چارشو سنده كا ثن شرفاً بربر عثمان غرباً اي ديمتري كايسا وقفي دكاني شمالاً وجنوباً طريق ايله محدود ايكي باب دكانلري تاريخ اعلاندن اعتباراً اون بش كون صكره بالمزايده فروخت اولنه جقندن طالب اولانلرك باندردمه قضاسي بدايت محكمه سي اجرا دائره سنده مراجعت ايللري اعلان اولنور .

بالقبي بخور باغونه بااعلام مديون بولنان قلعه سلطانيه ده مقم نسيم يافه نك يالى چارشوسنده واقع معلوم الحدود يكديكرينه متصل برباب فرون اوچ باب دكانده كي حصه شايه سي تاريخ اعلاندن اعتباراً اون بش كون صوكره موقع مزايديه وضع اولنه جني قلعه سلطانيه اجرا دائره سندن اعلان اولنور

مايس ۳۲۷

عمر صبيح بك احمد خلوصي پاشا وقفه ديني اولان مبالغ معلومه مقابلنده مرهون و فروختي بااعلام شرعي محكوم بولنان صماتيه قربنده بايزيد جديد محله سنده چوقچي زوقاغنده جازيه بوستانى ديمكه عريف تخميناً يدي بيك آرشوندين عبارت مزروع و سنوي ايكي بيك غروش ايجاره متحمل ومع آخور برعدد بوستان دامي و بر عدد صو دولابني مشتمل درت نومرولى برقطه بوستان كد كنك درت حصه اعتباريله بر بچق حصه سنك تاريخ اعلاندن اعتباراً اون بش كون صوكره بالمزايده فروخته تشبث اولنه جني اعلامات شرعيه اجرا دائره سندن اعلان اولنور

۲۲ حزيران ۳۲۷

چارشوي كيرده قالباخيلر باشنده يوز قرق يدي وباغچي قوسنده اون بش نومرولو تحافيه مغازه لرنده تجارتله مشغول ايكن ۱۶ شباط ۳۲۶ تاريخنده محكمه تجارت بحريه جه افلاسي اعلان اولنان بوسنه لي اسماعيل حق افندي طرفندن تكليف اولنه جق قونغورداتونك مذا كره سنده حاضر بولمق اوزره بوكره محكمه يه كلان اصحاب مطلوب يالكنز اكثريت شخصيه يي حائز اولديغندن قانوننامه تجارتك ايكيموز اون التجي ماده سي موجبجه سكرز كون امهال ايدلمكه مقلس مومي اليه طرفندن تكليف اولنه جق قونغورداتو مذا كره سي ايچون بالجه آلاجلولرك اوچيوز يكرمي يدي سنه سي حزينانك اوتوزنجي پنجشنبه كوني بعد الزوال ساعت اوچ بچقه محكمه مذ كوره نك افلاس او طه سنده حاضر بولملي لزومي اعلان اولنور .

ارو قضاسنك دوز محله سنده مقيم تحافيه تجارتندن متوفي شمنو وينتو نام ديكرى صانتونيم يونك ۱۰ مايس سنه ۳۲۷ تاريخندن اعتباراً موقتاً افلاسنه و معامله افلاسيه سنك رويي ضمنتده محكمه اعضا سندن عقوب افندي نك ژوز قوميسر و تجارتدن زادوريان عواق و دعوي و كيللرندن اوستانيق مقيرديج افنديلرك موقت سنديك تعيينلرينه قضاي مزبور بدايت محكمه سي تجارت قسمنجيه قرار ويريله رك متوفاي مرقومك اردو قصبه سنده كي اشياي تجاريه مغازه لري ذاتاً تحت تمهيره لنش اولديغندن تاريخ اعلاندن اعتباراً اون بشكون طرفنده مرقوم ذمتنده الاجقلى ولان ذواتك اوراق لازمه و سنداتي حامل محكمه مذ كوره نرندنده تشكيل ايدلمش اولان ماصيه مراجعت ايلملي اعلان اولنور .

حاجي عزت زاده حافظ عثمان افندي نك طوپخانه ده سفر كتبخدا محله سنده حكيم چيقماز سوقاغنده نومروسر

خانه ده ساكن ايكن اليوم اقامتگاهلري مجهول اورفلي عبدالكريم اغايله زوجيه سي فاطمه خانم ذمتلرنده يكديكره كفيل بالمال اوله رق بر قطعه سنده الاجني اولان يوز ليرانك تحصيلنه دائر بك اوغلي بدايت محكمه سي برنجي حقوق دائره سنه ۱۳ نيسان سنه ۳۲۷ تاريخ و ۲۴۷ نومروسيه صادر اولوب اعلاناً تبليغ ايدلمش اولان اعلام مذ كور حكمنك تنفيذ و اجراسي استعدا اولنمسه بناء تاريخ اعلاندن اعتباراً طفسان بركون طرفنده اثبات وجود ايدرك دينلريني تسويه ايتدكلري تقديرده مدت مذ كوره ختامنده حكم اعلامك اجرا اولنه ججه دائر تنظيم قلنان اخبارنامه اجرا قانوننك ۲۹ نجبي ماده سنه توفيقاً بك اوغلي اجرا دائره سي ديوانخانه سنه تعليق ايدلمش اولديني كي غزته لرله دخي اعلان كيفيت اولنور .

